

**Cormã Ampo Te Jũ Mãn Xà Ata
Te
JOWÃW MÃ AMJI TO IPIPÊ
XÀ
Jarẽn Xà**

Ûhỹ, pê Jowãw ihkàhhôc ita to, ne krĩ te xet kam Jeju na mehkwy atajê cunea mãihkujate. Ne pê cupê Jeju jarkwa na memprar catêjê nõ. Ne pê mam cupê tep pro catê, pê Jeju ihkôt ipa catê na ahna ahwỹ. Pê caku crê kam Jeju kôt ipa, ne pê Jeju te amji kam hapac xà cunea na hõmpu. Ne ramãihwej tu kam ri cute Jeju na mehkwy mã ihkàhhôc ita hôc, ne ihkujahêc.

Ne pom cu me ihkàhhôc cahyt ita kam ri, cute me cumã, cute me Jeju te amji kam hapac xà jicuna, me cumã cawpa, mãr quê nee me hicu nare. Ne cute Jeju to amji mã mehhimpej cwyrjapê ri, mehkwyã te me amji pupun xà kêanre na me to, mã me amji pupun to kêanre. Cwyrjapê ri ahna me cumã apô. Ne me cumã pjê ita jamre xà kam, ampo cunea te me hỹrmã cator xà ata jarẽn. Ne mecumã Pahpãm te pjê ita cunea to hamre, ne intuw ton na cute me cumã harẽn. Ne Jeju te me cumã ampo itajê cunea to hahkre, mã harkwa kôt cute me cumã harẽn par. Na ri hõ kàhhôc ita japry te **Cormã Ampo Te Jũ Mãn Xà Ata Te Jowãw Mã Amji To Ipipê Xà Jõ Kàhhôc** (Ipipê Xà).

*Jowāw te amji jarĕn xà
Ipipĕn Xà 22.6-7*

¹ Ÿhỹ, ihkàhhôc ita cahyt xà te hajỹr he. Ipê Jowāw, ne pa wa ha me amâihkàhhôc ita hôc. Pê mam, ramã rỳ pêa mã, Pahpãm Jeju mã ampo tehajỹr xà itajê cunea jarĕn pa. Mã Jeju te me cumã hàpĕn catêjê mã ampo itajê jarĕn xà na, imã cumã imprar catê kujahêc, còjkwa pĩn. Mã iwryc, ne iwyr cator ne cute imã ampo itajê cunea jarĕn, neimã hahkre par. Cwyrjapê wa ha ihkàhhôcita kam, me amã ampo itajê cunea jarĕ. Ne ampo te hajỹr xà itajê, quê ha nee amji to hàhtũm ry nare.

² Ÿhỹ, pê Pahpãm, ihkrapê Jeju mã ampo itajê cunea jarĕ, pê Jeju harkwana imprar catê mã harĕ, pê ma ajpĕn imã harĕ, na wa ha ihkàhhôc ita kam ihcunea na me amã ihhòc partu. Ne quêt Pahpãm cakòc xà ita ampeaj kam ri.

³ Na ca ha ate me ihkàhhôc ita cahyt, ne kam me gapac na, ca ha ampeaj kam me gakry. Ne por quê ha me kampa ne me hahkre pej atajê, quê ha hanea ne amehakry. Hõ, por quê ha ampeajkam me Pahpãm jarkwa itajê kam, me hapac pejtiaatajê, quê ha ihtỳj me hakry. He, quê ha nee ampo te hajỹr xà itajê amji to hàhtũm ry nare, na quê ha me hakry.

⁴ Ÿhỹ, ipê Jowāw, wa me apê Jeju na mehkwy jakrã te xet, ne Axij jõ pjê kam me akrĩ atajê mã, wa ite ihkàhhôc itajê ton. Ne me amã Pahpãm me, ihkra Jeju Crixto mã me icakòc, ne cumã me acajrĕn to:

— Me to impeaj ne, ne me caxwãm pê me cumã acarĩcti gŏ — hane. Ne Pahpãm ita pê rỳ pĕa mã Pahpãm ata, ne cormã cupĕ Pahpãm rohnỳtti mã, ne cŏjkwa kam Pahhiti krĩ xà ata kam ihkrĩ. Ne cahĕ na Pahpãm CarŏPejti caca xà te xet atajĕ mehkrĩ.

⁵ Pĕ pjĕ ita kam Jeju te apu ipa reriamã, ampeaj kam Pahpãm jarkwa atajĕ to ajco ihcakŏc to ipa. Ne cupĕa ri Pahpãm mehcãmter, ne pyxitpeaj ne hacpỹa mã ihtĩr cakŏnĩ to ihtĩr, ne taamã ri pyxit peaj ne cupĕ pjĕ kam pahhi catĕjĕ cunea jŏ Pahhiti. Ne cumã me pahkĩn, cwỳrjapĕ pĕty ne caprŏ jaxwỳ. Ne caprŏ jaxwỳr ata to me pahkĕn kĕanre atajĕ cunea cuhhŏn partu.

⁶ Ne cute me pahcunea to Hũm mã hàpĕn catĕjĕ na. Na cu ha me harkwa kampa, ne pjĕ kam mehkrĩ itajĕ mã me harĕ. Ne hacpỹa mã Pahpãm wỳr, pjĕ kam mehkrĩ itajĕ cajrĕn xà atajĕ to, cu ha me cumã, pjĕ kam mehcunea to me pahhimpej. Pĕ Jeju Crixto me pamã ampo pejti itajĕ cunea ton pa. Cwỳrjapĕ ri mehcunea te hahkre pej na imã me to prãm, nãmri Jeju ri quĕt mehcunea jirŏa pê carŏt tỳj rohnỳtti mã! Ne ahnaa ri imã to prãm!

⁷ Ne me hŏmpu he, ramã pjĕ wỳr ahcacrã kam iwryc xàa kam he! Quĕ ha mehcunea me hŏmpu, quĕ ha hanea ne cute ame caxwỳr catĕjĕ ihtỳj amehŏmpu. Ne por pê pjĕ kam mehcunea amehcaca atajĕ, quĕ ha Jeju te amji jaxàr na me hŏmpu, ne ampeaj kam me cumã hũpa. Quĕ ha hũpate ame amrãa to ameamrã. Ne quĕt imã Jeju te hacpỹa ne amji jaxàr ita na ri ampeaj kam imã to prãm.

⁸ Ne me hirôa pê Pahpãm pê Pahhiti carôt tÿjti ata te amji jarĕn to:

— Ipê pjê kat me hihôt jŏ Pahhiti, ne ipê cumã kat kam ampo cunea jŏ Pahhiti, ne ipê hïcu xàa kam ampo itajê cunea jŏ Pahhiti — hajÿr. Ÿhÿ, Pahpãm pê rÿ pêa mã Pahpãm ata, ne cormã cupê Pahpãm rohnÿtti mã.

⁹ Ÿhÿ, ipê me akrã tÿm pê Jowãw, ne ipê, por ca Axij jŏ pjê kam Jeju kôt me amji pupun xà kêanre to me amji pupu atajê, tŏ kàa wa. Ne cu ha pahcuneaJeju cwÿrjapê ame amji pupun xà kêanre to me papa, ne pom cu me pahcunea ame amji pupun kêanre itajê mã, cu ha me pahcunea pahtÿj me awcanã to mehtÿaj ne, neme pahcunea Jeju kôt amji to me pahhi. Pê Jeju Jowãw mã amji to ipipĕ Pê wa ajco pjê cunea kam Pahpãm jarkwa jarĕn to ipa, por pê Jeju imã to hahkre ne imã huwahi ata, pê wa ajco harĕn to ipa. Cwÿrjapê pê me ipro ne ma cô jipôc ri, pjê japrÿ te Patmo jŏ pjê ita wÿr me ikujate. wa ita ri apu ipa, ne jÿ caxuw icatorxà hamreare.

¹⁰ Ne pê wa me pahkôt xà jŏ amcro pê tŏmïc na jÿ ne Pahpãm to amji kampa. Pê Pahpãm Carŏ Pejti imã amji gŏ. Pê wa pea amji caquĕc kôt jÿm jŏkreti, pê ihhêj rÿm hŏhhi jŏkre krãhhi tÿjti ata kampa. Pê imã harkwa to:

¹¹ — Wa ha amã ampo jãhtôa ne to ajpĕ, ca ha hŏmpu ne atÿj ahna ihhŏc partu. Ne ma krï te xet kam Jeju na mehkwy atajê mã ihkujahĕcpa. Ne por krï atajê japrÿ te ri Epet jŏ krï me, Pïhhŏcuxwa jŏ krï me, Hawĕnti jŏ krï me, Tijat jŏ

krĩ me, Pyt jŏ krĩ me, Ihkjê kĩn jŏ krĩ me, Ratixa jŏ krĩ atajê wỳr ca ha ihkujahêc partu — hane.

¹² Wa ite jũm ita pupun prãmte hỹrmã ipipkjêr, ne ite wakỳre prà tepti pê ôr te ihpôc xà mã cuhhê xà te zet atajê pit pupun.

¹³ Mã hipôc ri jũm pê me Pahhàkà Cati pyràcti ata ihkà japjêhti ata kam xa. Ne wakỳre prà tepti pê ôr te ihcahti na hê mã to xa.

¹⁴ Ne ihkĩ jaka ita pê ihhêj rũm kên pojre jaka, ne into jarwrỳ ita pê ihhêj rũm cuhy pôc jarwrỳ.

¹⁵ Ne ihpar prà ita pê ihhêj rũm me hũhhi na hê xàcrecrti ata prà pyràac. Ne hõkre par ita pê ihhêj rũm cõhxocti jàhkrihkrit par.

¹⁶ Ne pê awpôc rũm, hũhkra ata to caxêre te zet ata cwa ne to xa. Mã harkwa pĩn wapo xwahhihti xwapeaj te hũjê ata cator. Ne ihkuc prà pê ihhêj rũm pyt te me pahkrã jimoac kam ihkrĩ prà pyràcti.

¹⁷ Wa ite hõmpun, ne pea hũpa te ipê mehtyc pyràc, ne cuna mã ijŏ pôrpo ne nõ. Mã cute ina awpôc rũm hũhkra xir ne imã:

— Nee apu icupa nare. Ipê cumã kaat kam ampo cunea jŏ Pahhiti, ne ipê hìcu xàa kam ampo atajê cunea jŏ Pahhiti.

¹⁸ Ne pê wa ty, ne me ipupu he, wa hacpỹa mã itĩr, ne ita caxuw jũ caxuw ityc xà nare, ne ipêa ri mehtyc xà jŏ Pahhiti, ne hanea ne ipêari mehtyc catêjê jŏ Pahhiti.

¹⁹ — Na ca ha ate ampo te hajỹr xà atajê pupun xàa na, ahna ihhôc. Ne hanea ne cormã ampo te jũ mãn xà atajê na ihhôc.

²⁰ Ne hamre, wa ha amã ijũhkra kam caxêre te xet atajê me, ihpôc xà te xet atajê cuhhê xà itajê kôt harê, ca ha kampa. Pom ihpôc xà cuhhê xà te xetitajê pê me ikwý jakrã te xet atajê pyrãac. Ne caxêre te xet itajê pê ihhêj rũm cõjkwa pĩn imã me hãpên catêjê te xet atajê pyrãac, quê ha ihtýj ahpýanre na me ikwý jakrã te xet atajê jamã — hajýr. Hõhõ, cute imã hũjarên to hajýr.

2

Epet jõ krĩ kam mehkwy jakrã mã kyre pê Pahpãm kĩn

¹ Ne jũm ata te imã harkwa hyr to hajýr he:

— Ýhỹ Jowãw, ita caxuw ca ha Epet jõ krĩ kam, por ikrac ri me ikwý jamãr catêata mã ijarkwa kôt, ihkàhhôc ton to hane he: “Ipê jũm te hũhkra to caxêre te xet ne incwýr ne to xa ata, ne ipê, por jũm ôr te wakýre te ihpôc xà cuhhê xà cajpuw apu mõ ata. Ne ijarkwakôt ri me amã ihkàhhôc ita.

² Ne imã ate me ampo ton xà atajê cunea na me gahkre pej. Ne ate amji mã me aprĩa kam, ramã me gãpên xà ton to me catia. Ne imã ate nee mehkêanre atajê mã me gũcanãr nare na me gahkre pej. Ne ma cute me amãInxũ jarkwa to mehcaôc catêjê na me amji jarên atajê cajpê, ne me hahkre pej. Quê ha cute ame amã ihhêj xia jarên na, ca ha me hahkre pejpyrentu, ne ma amempar caca, ne ma ame curê.

³ Ne icwýrjapêa ca ate amji mã me aprĩa kam, ame amji pupun xà kêanre to ame amji pupun. Ne ate me amji pupun xà kêanre atajê mã atýj

meawcanã, ne imã ampo itajê cunea na me apej pit.

⁴ “Ne por ampo pyxit peaj ata na ri imã me ana prãm nare he. Nee mã ampo nare, pê ca mam ampeaj kam me amã ikĩn, ne ita kam mã ajte kyre pême amã ikĩn, mam kĩnte.

⁵ Xà ca gôtpê ajkĩ mam me amã ikĩnti ata tome amji japackre? Ca ha ate me to amji japackre na, ca ha hacpÿa mã iwÿr me apkjê, ne ikĩnti ata to ame ikĩn. Nãmri, ca ha ate me akên jicu nare, nenee iwÿr me apipkjêr nare na, wa ha hacpÿ ne amji jaxà, ne itÿj me apê gô pôc xà cuhhê xà ata capa, quê ha hãm xà kam caprÿ.

⁶ Ne por ca ramã ame ampo pyxit ton to me apa ata na ri, imã ihprãam to prãm. Nee mã ampo nare, ca ramã ma ame Nicoraw kôt me ipa catêjê hêj xia to amehcakôcatajê par caca, ne me apê ipyrãac, nema ame curê. Nãmri wa ma ame curê.

⁷ “ÿhÿ me ikwÿ, xà ajkĩ me gapac nare, me gũpar xà caxuw? Hãpà. Ihtÿj me akam me gapac, na ca ha me Apãm Carô Pejti te mehwÿ jakrã mã harên xà na me kampa, ne mempartu. Inxũ mã ihkrĩ xà ata kam pĩxô pàr pejti ne ihcuhhê. Quê ha jũm te pĩxô ata nõ krêr na, quê ha nee jũ caxuw ihtyc nare, ne quêt ihtĩar na apuipa, rohnÿtti mã. Ne por quê ha me ampo kên cunea tohjê, wa ha itÿj pĩxô ata na me hamã, quê ha ame cuku. Hôhô ita pit” — hajÿr.

*Pĩhhôcuxwa jô krĩ kam mehwÿ jakrã te me amji pupun xà kėanre
Me Hàpên Xà 7.54-60*

8 Ne cute hipêr imã harkwa hyr to hajÿr he:

— Ÿhÿ Jowãw, ita caxuw ca ha Pïhhôcuxwa jŏ krĩ kam, por ikrac ri me ikwÿ jamãr catê ata mã ijarkwa kôt ihkàhhôc ton to hane he:

— “Ipê cumã kat kam ampo cunea jŏ Pahhiti, ne ipê hïcu xàa kam ampo itajê cunea jŏ Pahhiti. Ne ipê jũm tyc ne hacpÿa mã ihtĩr ata. Ne ijarkwa na ri me amã ihkàhhôc ita.

9 Ne icwÿrjapê ate ame amji pupun xà kêanre to ame amji pupun atajê na, imã me gahkre pej. Ne icwÿrjapêa ri me apê me acukrêj jamre tu, neme apê hamreare na, ite me gahkre pej. Ne Inxũ mã me apê hamreare nare, ne ampeaj kam quêt cumã me gakràj. Ne imã cute me ato xwahna to kêanreatajê na me hahkre pej, ne me amã me amji to ihhêj xi xà to, ‘Me ipê Juta catêjê impej pit, na wa ha itÿj me amã catyt kam ampo pejti atajêpit to hahkre’ hane. Ne cama ame amã ihhêj, ne aracri Xatanaj kôt amjikam me hapac to me ipa, ne toa amji mã mehhimpej to me ipa.

10 Ne ca ha cormã ame amji pupun xà kêanre to ame amji pupu, ne nee ca ha ame amji mã pa nare, ne me ikampa he. Quê ha Xatanaj kôt me ipa catêjêihtÿj me anŏ pro, ne me hacjên xà kam me gaxà, ne me acajpêr hiahpuro. Ca ha ame amji pupun xà kêanre to me amcro to me tej cakrô, ca ha ito pit mãamji mã me ahimpej to me apa kam me to acrà, ne ahnaa ame gamre na, wa ha amji wÿr me ato ahtêp, ca ha icahê na ame apa, rohnÿtti mã. Ne pom hãnne memprar tÿj catêjê mehkwy re, ne amji mã me hê cwa, ata jïkjê na, ca ha ate me gũcanãr na, wa ha itÿj me

amã me atĩr xà caxuw me gahĩxà gŏ, ca ha me atĩr rohnýtiti mã.

¹¹ “Ÿhỹ me ikwỳ, xà ajkĩ me gapac nare me gũpar xà caxuw? Hãpà! Ihtỳj me akam me gapac. Na ca ha me Apãm Carŏ Pejti te mehkwy jakrã mã harĕn xà ne me kampa ne mempartu. Ne por quĕ ha me ampo kĕn cunea tohjĕ atajĕ, quĕ ha nee hipĕr amehtyc nare, ne nee hipĕr ame amji pupun xà kĕanre nŏ to ame amji pupun nare. Hŏhŏ ijarkwa ita pit” — hajỹr.

Hawĕnti jŏ krĩ kam mehkwy jakrã te nee mehpahàm nare atajĕ jicu nare

¹² Ne cute hipĕr imã harkwa hyr to hajỹr he:

— Ÿhỹ Jowãw, ita caxuw ca ha Hawĕnti jŏ krĩ kam, por ikrac ri me ikwỳ jamãr catĕ ata mã ijarkwa kŏt ihkàhhŏc ton to hane he:

— “Ipĕ, por jũm jarkwa kam wapo xwahhihti xwapeaj te hũjĕ ata jarkwa na mã, me amã ihkàhhŏc ita he.

¹³ Ne imã Xatanaj to me amji mã mehhimpej catĕjĕ jipŏc ri ate ame akrĩ na, imã me gahkre pej. Nĕ curia ri cute me Antipa curan. Ito me cumã ihcakŏc to ipa, incwỳrjapĕ ri cute mehcuran cakrŏ, ca nee ate itoamji mã me ahimpej jicu nare, ne ikam me to acrà tu.

¹⁴ “Ne ampo ata pyxit peaj ne ahna imã me ana prãm nare. Nee mã ampo nare, me akwỳa kwỳ ihtỳj Parãw xwỳ himpej xà kĕanre atajĕ to ame amji mãmehhimpej to me ipa. Ne pĕ Parãw xwỳlxaher catĕjĕ to kĕn prãmteme cumã Xatanaj me, ampo carŏ kĕn to ihmimpej to: ‘Gapacta ne me pryre jàhtŏa ne me to cuprŏ

ne me hipej, ne Xatanaj me, me amã ampo carõ kĩntiatajê mã me to amji kĩn nõ to, nehanea ne atỳj ahti na amji pê me aprõ to meaxy' hane. Mã me akwỳa kwỳ te ihtỳj ihhimpej xà ata mã me amji jŏr, ne toa amji mã mehhimpej to me ipa.

¹⁵ Ne hanea ne me akam Nicoraw kôt me ipa catêjê te me to ihhimpej catêjê ame ipa. Ne me imã ampo itajê nõ na prãm nare.

¹⁶ Cwỳrjapê wa me amã, 'Me amji to apkjê, ne me akên itajê jicu. Ca ha ate me akên itajê jicu nare na, wa ha me awỳr itēm pyrentu, ne pomijarkwa pĩn wapo hapôj ita to, ate me hajỳr catêjê cunea cuna mã ajpu' hane.

¹⁷ "Ỳhỹ me ikwỳ, xà ajkĩ me gapac nare, me gũpar xàcaxuw? Hãpà! Ihtỳj me akam me gapac. Na ca ha me Apãm Carõ Pejti te mehkwy jakrã mã harên xà na mekampa, ne mempartu. Ne por quê ha ame ampo kên cunea tohjê, wa ha itỳjaracri me cumã harte, quê ha nee jũm ite me cumã harte ita na ijahkre pej nare, to hanea, pom quê pê wa Juta catêjê mã me hõ pê mana to harte he. Newa ha ahpỳanre na kên jakatiatajê kam me cumã me haprỳ to ipintuw partu. Quêha nee jũm me haprỳ itajê jahkre pej nare, ne me cumãa quê ha me haprỳ atajê jahkre pej. Hõhõ ijarkwa ita pit" — hane.

*Me hũxy xi cahãj nõ te Tijat jŏ krĩ kam mehkwy
jagrã mã ihhêj
Juta 3-23*

¹⁸ Ne cute hipêr imã harkwa hyr to hajỳr he:

— Ÿhỹ Jowãw, ita caxuw ca ha Tijat jŏ krĩ kam, por ikrac ri me ikwỳ jamãr catê ata mã ijarkwa kôt ihkàhhôc ton to hane he:

— “Ipê me Apãm kra, ne ito jarwrỳ pê ihhêj rŭm cuhy pôc jarwrỳ ata, neipar prà pê ôr te me hũhhi na hê xà prà pyrãcti ata.

¹⁹ Ne imã me gápên xà cunea na me gahkre pej. Ne me amã ajpên kĩnti, ne ate me ajpên tehcajpar na, imã me gahkre pej. Ne imã ate itoa me amji mã meahimpej, ne amji mã me aprĩa kam ampo kên mã me gũcanãr na, imã me gahkre pej. Ne ca mam me acaca xà atajê jirôa pê me to apicamên to me mŏ.

²⁰ “Ne por ampo ata pyxit peaj, ne ahna imã me ana prãm nare. Nee mã ampo nare. Por me acahê na pyjê nõ kêanre apu ipa ata, ca ajte nee ihkêntête me cumãn nare, ne cama ahna me hamã. Mã ihtỳj apu ihkên xà atajê ton to ipa. Ne pyjê nõ kêanre ata pê ihhêj rŭm mam pyjê nõ kêanrejapry te Ixapewkwỳj xwỳ ata pyrãac, ne me amã amji jarên to, ‘Pahpãm te ri me awỳr ikujahêc, ite catyt kam me amã ampo to hahkre to hajỹr prãmtehe. Gapacta ne ahti na amji pê ame aprŏ caxu, ne hanea ne atỳj cute ampo carŏ kênti mã me hŏ ton atajê ku’ hane. Ne cute me cumã ampo to hahkre to hajỹr xàatajê to hãn ne ijŏ pry kaj na imã me hãpên catêjê atajê rê.

²¹ Ne tee ite mentête pyjê nõ ata mãn to, ‘Me to kên jicu!’ hajỹr. Mã ma apu ipar caca.

²² “Cwỳrjapê wa ha to kên prãmte cumã ijarkwa to, ‘Hã, ita caxuw ca ha atỳj ahti na ate me hũmre to gikwa, ne ame to axỳ xà ita kam nõ. Ne itacaxuw quê ha gikwa xà ata amã

ihkêanre, ne hanea ne, por quê ha acahê na kam me hikwa atajê mã ihkêanre ne. Ne ihtÿj ate me amji pupun xà kêanre to me amji pupun to acuhhê na, me ato' hane. Quê ha cute meipar nare, ne nee mehkên ton jicu nare atajê cunea mã, quê ha itajê hane.

²³ Ne itÿj cupê mehkra cunea jipej. Quê ha pea me ikwÿ me ahna ijahkre pej, ne hanea ne ite me hÿmre cunea mã cute me amji kam hapac xàjahkre pej na me ijahkre pej. Ne pa wa ha ahpÿanre na ate me ampo ton atajê mã ampi, ne hahpan xà na me amã ijàmjôr pa.

²⁴ “Por tee me amã harkwa to, ‘Hacu ne Xatanaj jarkwa to ame hahkre, ne to amji mã me pahhimpej to me papa’ hane. Ca nee ate mempar nare, ne nee mehkôt me amji ton nare atajê, wa nee hipêr na me gapackre prãm nare. Ampo na? He ca atÿj ramã amjia kôt me gÿpar to me apa.

²⁵ Ne kam me to acrà mã me awcanãa ne, wa ha ahnaa me awÿr icato. Hô, hamre, ite me gapackre xà ita pit” hane.

²⁶ — “Ne por quê ha me ampo kên cunea tohjê, ne ma imã ampo na prãmti kÿnti atajê ton kam me to incrà, ne ahnaa amehtyc na, wa ha me to krÿxàre cunea jô pahhi to hanea, pom quê Inxÿ te ito pjê cunea jô Pahhi he.

²⁷ Quê ha mehpahtÿaj kam me to ihhimpej to me ipa. Quê ha jÿm te apu Pahpãm par caca na, quê ha me gân to hane, pom quê hân ne me pjê te pot gã he.

²⁸ Ne me to ihhimpej xà to prà to hanea, pom quê awcahti xà wÿr caxêti prà he. Mã mehcunea me hõmpu, mã me cumã hõmpun xà impejti he.

29 “Ÿhỹ me ikwỳ, xà ajkĩ me gapac nare, me gũpar xà caxuw? Hãpà! Ihtỳj me akam me gapac, na ca ha me Apãm Carõ Pejti te mehkwỹ jakrã mã harên xà na me kampa ne mempartu. Hõ, ite me gapackre xà ita pit” — hajỹr.

3

Pyt jõ krĩ kam mehkwỹ jakrã te amji kam me hapac xà kėanre

Ruc 12.35-40

¹ Ne cute hipēr imã harkwa hyr to hajỹr he:

— Ÿhỹ Jowãw, ca ha ita caxuw Pyt jõ krĩ kam, por ikrac ri me ikwỳ jamãr catê ata mã ijarkwa kôt ihkàhhôc ton to hane he:

— “Ipê Pahpãm Carõ Pejti caca xà te xet atajê cahê na ipa catê, ne ipê jũm jũhkra kam caxêre te xet ata. Ne imã me gãpên xà cunea jahkre pej. Mã mehcunea amji mã me garên to, ‘Jeju kôt me ipa catêjê atajê toa amji mã mehhimpej to me ipa’ hane. Ne cute ikôt me apa na amji mã me garêncatêjê atajê mã ihhêj ne me atĩar. Ne mehkĩnte imãa ihhêj ne ramã ame acuneatyc. Ampo na? Ca nee amji mã me ito ahimpej nare.

² Ame ampra! Nãmri ca cormã kyre pê ito amji mã me ahimpej, na ca ha ita caxuw ito amji mã me ahimpej to ihtỳaj to ihtỳj. Nãmri ca ha ate amji mãme ito ahimpej nare na, ca ha atỳj ikôt me apa jicu, ne pea imã me apê mehtyc pyrãac. Ne měr ampo na mã wa ame amã Inxũ cawpa to icakôc to hane? Ampo na nare. Pom ca ate me gãpên xà cunea ton itajê ri, nee Inxũ cuna mãcumã impej nare.

3 “Cwÿrjapê ca ha ate me ampo jahkre pej, ne me hõmpun atajê to me amji japackrea ne, ne hÿrmã me apkjê, ne amji mã me hÿpahti to me apa. Ampo na, wa ha hacpÿ ne pjê wÿr me awÿr itēm xà ata pê ihhêj rÿm mehàhkĭj xi tēm xà pyràac, na wa ha aracri tē. Quê ha nee jÿm itēm xà ata na ijahkre pej nare. Cwÿrjapê ca ha me ampra!

4 “Ne me akwÿ kam me pyxitre atajê ri amã mempeaj to mempej. Ne mempej ita pê ihhêj rÿm cute amehkà jakati tÿm nare mã me amji jacjên, ne maihtÿm pê me to amji cajhê to ame ipa, mã nee apu ihtÿm nare, ne hakati ata na, atapyràac. Ne ikôt me akà jakati kam me apa xà caxuw, ampeaj kam me apej, cwÿrjapê ca ha atÿj jÿ caxuw icahi na ame apa” hane.

5 — “Ne por quê ha me ampo kên cunea tohjê, ne ma imã ampo na prãmti kĭnti atajê ton kam me to incrà, ne ahnaa amehtyc na, wa ha itÿj me cumã mehkàjakati atajê gō, quê ha kaam ame ipa. Wa ha nee jÿ caxuw hacpÿa mã mehtĭr xà jŏ kàhhôc kam ramã ame haprÿ hikwa itajê nŏ caxàr neihhur nare. Ne hirãa pê cama Inxÿ mã me hàpên catêjê kam mare mã, me ahna amji jarên to, ‘Pom mempejti mehkà jakati kam ame ipa atajêcunea pê itekjê, ne me cupê me ikwÿa’ hane.

6 “ÿhÿ me ikwÿ, xà ajkĭ me gapac nare, me gÿpar xà caxuw? Hãpà! Ihtÿj me akam me gapac, na ca ha me Apãm Carŏ Pejti te mehkwy jakrã mã harên xà na me kampa, ne mempartu” — hane.

Ihjkĕkĭn jŏ krĭ kam mehkwy jakrã mã Pahpãm mã hàpĕn xà

1 Texarŏn 2.13-16

⁷ Ne cute hipĕr imã harkwa hyr to hajÿr he:

— Ÿhÿ Jowãw, ita caxuw ca ha Ihjkĕkĭn jŏ krĭ kam, por ikrac ri me ikwy jamãr catĕ ata mã ijarkwa kŏt ihkàhhôc ton to hane he:

— “Ipĕ rÿ jŭ caxuw jŭm te ampo kĕn nŏ ton nare ata, ne ihcunea na ipeaj to ipej. Ipĕ rÿ jŭ caxuw jŭm te ampo to ihhĕj xi nare ata, ne wa icakôc xà hĕj xi nare to icakôc to ipa. Ne pĕ rÿ pĕa mã pahhi Tawixwy ikre nŏ impejti ata kam ihkrĭ. Pĕ pea jŭm ata pyxit peaj ne hŭrkwa jihĕ rĕn xà ata to ajco apu ipa. Jĭkjĕ na ri ipyxit peaj ne imã Inxŭjŭrkwa jihĕ rĕn xà. Na wa ha to hihĕ mĕ, quĕ ha nee jŭm to hihĕ nare. Nãmri, wa ha ite to hihĕ na, quĕ ha nee jŭm hihĕ mĕn nare.

⁸ Ne ramã ite me gãpĕn xà atajĕ na me gahkre pejtu, ne ite me acarôt peacre na me gahkre pej. Cakrô ca atÿj ijarkwa kŏt ame apa, ne itoa amji mãme ahimpej to me apa. Na wa ite me amã harkwa jihĕ mĕn, ate ahna me gapôj ne iwÿr me jŭmjĕ japrôr ne me to acator, mã me acuxà ikŏt me ipa prãmte. Wa ite me amã hihĕ mĕn, mã ahnaa xa, na quĕ ha nee jŭm to hihĕ nare.

⁹ “Ÿhÿ, me akam jŭmjĕ ame ipa atajĕ pĕ Xatanaj tekjĕ. Ne ihtÿj meamã amji jarĕn to ihhĕj xi to ipa to, ‘Me ipĕ Juta catĕjĕ, ne me ipeaj to me ipej, naca ha atÿj me ikampa. Ampo na? Wa ha itÿj me amã catyt kam ampo pejti atajĕ to pit mã me amã hahkre’ hane. Cakrô, wa ha nee me to amji kwÿnare. Ne cama me hipy mã me amĕ. Ne acuna mã, mehkŏn krã na amehkrĭ na me to,

quê ha me garĕn to, ‘Ampeaj kam ri, quĕt me apĕ Pahpãm kôt meapa catĕjĕ, ne ampeaj kam ri quĕt me cumã akĩn!’ hane.

10 “Pĕ wa me amã ijarkwa hyr to hane he: ‘Me awcanãa ne, ne ampo cunea na amji mã me aprĩa to me apa’ hane. Ca ate me ijarkwa ita par pyrentu, ne atỳj megũcanãr to me apa. Cwỳrjapĕ wa ha itỳj ampo kĕn atajĕ cunea pĕ me apytà. Por ite pjĕ kam ampo kĕn cunea to me capi ne to mehcajpĕr xà ata pĕ, wa ha me apytà.

11 Ne wa ha nee amji to ijàhtũm nare ne ajpĕn me awỳr tĕ. Ite me amã ijàmjôr prãmte, wa ha me awỳr tĕ. Cwỳrjapĕ ca ha ite me amã ijàmjôr xà to ajpĕn me awỳr itĕm xà ata jahkà na meawcanãa ne. Nãmri ca ha ate me gũcanãr nare na, ca ha nee me gàmchwỳr nare, ne me gàmchwỳr xà ata to me acto, quĕ ha jũm me gaxà kam amji mã cupy” hane.

12 — Ne por quĕ ha me ampo kĕn cunea tohjĕ, ne ma imã ampo na prãmti kĩnti atajĕ ton kam me to incrà ne ahnaa amehtyc na, wa ha ma jũm ata to Inxũjũrkwa wỳr tĕ, ne to axà, ne pea ihhĕj rũm to ikre mã ihcuhhĕ xà, ne ikre ata mã kam hãm. Quĕ ha curia ihcuhhĕ rohnỳtti mã. Wa ha pea kam me ijapry incrĕ na ihhōc to hane he. Wa ha kam Inxũ japry na ihhōc, nekam, por quĕ ha Inxũ, cōjkwa pĩn pjĕ wỳr, hō krĩ tuw Krĩpinkrĕn kujate ata japry naihhōc. Ne wa ha hanea ne kam ijapry intuwti ata na ihhōc.

13 — Ỳhỹ me ikwỳ, xà ajkĩ me gapac nare me gũpar xà caxuw? Hãpà! Ihtỳj me akam me gapac, na ca ha me Apãm Carō Pejti te mehkwy

jakrã mã harĕn xà na me kampa ne mempartu —
hajÿr

*Ratixa jŏ krĭ kam mehkwy jakrã me cupê
Pahpãm tekjê na me amji jarĕn na me amji to ihhêj
Roman 12.11; Jowãw 9.39-41*

¹⁴ Ne cute hipĕr imã harkwa hyr to hajÿr he:

— Ÿhÿ Jowãw, ita caxuw ca ha Ratixa jŏ krĭ
catêjê kam, por ikrac ri me ikwy jamãr catê ata
mã ijarkwa kôt ihkàhhôc ton to hane he.

— “Ipê mehhêj xi nare tekjê, ne ipê mehhêj xi
nare catêjê xakat, ne ipê jũm te amji jarkwa par
to ipa rohnÿtti mã ata, ne ipê catyt kam ampo
cuneajarĕn catê. Ne pa pê wa Inxũ jarkwa kôt
pjê me ampo cunea ton pa, ne ipêa ri ampo itajê
cunea xakat.

¹⁵⁻¹⁶ Ne imã me gápĕn xà cunea jahkre pej.
Ca ha ikôt me apa na amji to mehtÿj tu na, wa
ha itÿj me ana prãm. Nãmri ca ha ate kyre pê
ikôt me apana, wa ha nee me ana prãm nare.
Ampo na? Ihhêj rũm ate me hajÿr catêjê pê cô
cacrujre na, imã prãm nare ata. Ne nee me ato
ikôm xà caxuw me apej nare, ne nee me gakryti
nare, ne nee me acacrohti nare, ne meacacrujre.
Cwÿrjapê wa ha ijarkwa pê me gaxwÿ.

¹⁷ “Ampo na mã wa ame amã icakôc xà ita to?
Nee mã ampo na nare, ca me caahãn ne amji
mã me garkwa to, ‘Ampeaj kam me pajakràj! Ne
ampo cunea na me pahte amji mã me prãm atajê
ramã me pamã! Ne nee ahna ihkĕn nare!’ hane.
Hajÿr cakrô, mã me apê amji jahkre kêatre, ca
nee ampo kôt me hakop nare kam amji mã ame
garkwa to ame hane. Ne Inxũ me imã nee ate me

hajŕnare! Ne me imã me apê ampo hamreare, ca me acakrô ame apa, ne me acunea into tũm pit. Ca nee ate me amji pupun xà kêanre kam me apahãmti ata na, ate me amji pupun ne ahna me amji jahkre pej nare, ne me imãa ri me ate me hajŕr xà itajê jahkre pej.

18 “Cwŕrjapê wa ha gapackre, ne me amã. Ajpên iwŕr me pra, ne amji mã me ate amji kam me gapac xà pejti pê ôr prà pyrãcti atajê jũhkà, ne pea atŕj to Inxũ me imã me gakràj. Ne hanea ne, ca ha iwŕr me pra neamji mã me icarôt jũhkà, ne ihkôat catyt kam me apa, ata pê ri ihhêj rũm me akà jakati atajê mã ate me amji jacjên, ne kam ame apa ata pyrãac, meapahãm cupate. Ne hanea ne iwŕr me pra ne amji mã me ite amji jahkre pej pê ihhêj rũm mento cahhê xà pyrãac ata jũhkà, ate me amji jahkre pej, ne mearît pej me ate me to ampo pupun xà caxuw.

19 “Xà ajkĩ me imã me akĩn nare na mã wa ame ato kêanre, ne ame gapackre xà tŕjti itajê to ame gapackre? Hãpà! Imã me akĩnti, incwŕrjapê wa itŕj ampo kên itajê cunea intête me amãn to me gapackreto ihtŕaj to ipa. Hôhô, ita na wa ijôtpê imã mehkĩnti atajê to hajŕr to ipa. Cwŕrjapê ca ha caxwãm catia mã iwŕr me apkjê.

20 Ne wa ihhêj ne ikre cunea jarkwa mã icuhhê to ijãhcukjêr to ipa, ixàr prãmte. Quê ha jũm te ijôkre par, ne imã hihê mên, wa ha iteixàr ne cahê na ijãpàn na, quê ha ihtŕj jũ caxuw hanea ne icahê na apà.

21 “Ne por quê ha me ampo kên cunea tohjê, ne ma imã ampo na prãmti kĩnti atajê ton kam me

to incrà, ne ahnaa amehtyc na, wa ha itỳj amji cahê na ikrĩxà ata kam me hỳr. Quê ha curia icahê na amehkrĩ rohnỳtti mã to hanea, pom quê pê wa ampo kên cunea tohê ne hakren pa, pê Inxũ amji cahê na ihkrĩ xà ita kam ijỳr, wa cahê na kam ikrĩ, ita na wa ha me to.

²² “Ỗhỹ me ikwỳ, xà ajkĩ me gapac nare, me gũpar xà caxuw? Hãpà. Ihtỳj me akam me gapac, na ca ha me Apãm Carõ Pejti te mehkwy jakrã mã harẽn xà na me kampa ne mempartu” — hajỳr.

4

Côjkwa kam mehkrĩ catêjê cunea mã Pahpãm to cati prãm

¹ Hõ, cute imã harẽn to hajỳr jirô pê wa ite hipêr ampo pupun. Ne nee mã ampo nare, côjkwakam ri harkwa ata te amji jihê mên. Mã jũm jõkre pê ihhêj rũm hõhhi jõkre pyràcti ata te imã hũjarẽn to hajỳr. Pom pê wa mam kampa ita na ri cuteimã hũjarẽn ne imã:

— Iwỳr api, wa ha amã ampo te jũ mãn xà ata jahkre ne amã to ajpê, ca ha hõmpu! — hajỳr.

² Me ajkaam mã Pahpãm Carõ te imã amji jõr. Wa curi côjkwa kam, ite Pahhi krĩ xà kam jũm ata jỳr na hõmpun.

³ Mã ihkuc prà pê kên prà tatapti ata pyràc, ne cupê kên prà tepti ata pyràc. Ne ihkrĩ xà pu na ihprà krorti ata pê ihhêj rũm ta jõxwỳn.

⁴ Ne Pahhi krĩ xà ata pu na mehkrĩ xà kwỳ jàhtô na cute winticwat, mã kampahhi catêjê te

winticwat, ne mehkà jakati kam mehkřĩ, ne ôr te wakÿre prà pejti ata te mehcunea krãhkà.

⁵ Ne me hipôc ri Pahhi krĩ xà ata pĩn ri ihcuxê, ne kam me hõkre, ne hàhkrihkrit pê pahhàjê pyrãcti. Ne Pahhi krĩ xà ita cuna mã hàhcujro xà te zet, atajêpê Pahpãm Carõ Pejti caca xà te zet atajê pyrãc, ne hàhcujrohti.

⁶ Ne Pahhi krĩ xà ita cuna mã ampo pê cô cati pê wit pràti tetetti ata pyrãac ne nõ. Ne Pahhi krĩ xà ita pu na pê jũmjê tĩar te cwatatajê te mehkřã ne me to xa. Ne jũmjê tĩar te cwat atajê kam into jãhtôa to hàhtô, me hĩ cunea kam.

⁷ Ne mam ita pê ihhêj rũm rop hôhtia pyrãc. Ne ihcote na ita pê ihhêj ne pryti xũmtia pyrãc. Ne hapu na ita kuc pê ihhêj rũm me hũmre kuac. Ne hapu na ita pê rĩ ihhêj rũm hàctia te apu ihtor pyrãc.

⁸ Ne cute me cwat itajê kam pê ahpÿanre na me hara xêj partu. Ne caxwãm pê mento, ne põ rũmmentô. Ne nee caxwa me amcro kam mencren to hìcu nare, nemencren to:

“Apejti!

Ne quêt apejti ita pê Pahhiti pê Pahpãm!
Ne ca ri quêt acarôt tÿjti, mehcunea jirôa pê.
Ne apê mam ata, ne apê cormã ata,
ne apêcormã ata rohnÿtti mã” hane.

⁹ Ne cute me cwat atajê hipêr Pahpãm mã mencren to:

“Quêt mehcunea mã acatihti na gahkre pej,
ne apejti na me cumã gahkre pej.

Ne mehcunea amji mã me acupa.
Ne mehcunea jirôa pê acarôt tỳj!" hajÿr.

¹⁰ Ne hãn ne cute me cwat atajê Pahpãm pê Pahhiti mã mençrer kam pra, mã pea pahhi te winticwat itajê Pahpãm cuna mã mehpyÿpÿm, ne Pahhi krĩ xà ata cunamã me hõ krãhkà atajê nõ, ne me harên to:

¹¹ "Me ijõ Pahhiti pê me ijõ Pahpãm, quêt apejti neacatihti, mã quêt mehcunea amji mã me acupahti to me ipa.

Ne quêt acarôt tỳjti, ne ampeaj kam apej.
Ampo na?

Pê ca quêt ampo cunea to.

Ne ate amji mã toapijapar xà na ihprãmti ata to, ca to ajpa" hane.

5

Ihkàhhôc na hê xà te xet atajê

¹ Wa ite Pahhiti krĩ xà kam jũm jÿ ata jũhkra kam, awpôc rũm, ihkàhhôc krãre ata pupun. Mã ihkàhhôc ata kam ihhôc te hũjê, caquêc kam ihhôc, ne hanea ne hõkwa kam ihhôc. Mã ahna hê xà te xet atajê te ahna hê.

² Ne hanea ne ite Pahpãm mã memprar catê nõ tỳjti ata pupun, mã ihkrãhhia kam cute hàhcukjêr to:

— Jũm ri ihkàhhôc ita tête ahna hê xà itajê jirên xà caxuw impej, quê hihê mẽ? — hajÿr.

³ Mã nee côjkwa kam ihkàhhôc ata caxuw jũm hamreare, ne nee pjê kam caxuw jũm hamreare,

ne hanea ne nee pjê krac ri caxuw jŭm hamreare, cute ihkàhhôc atatête ahna hê xà na ihtô xà itajê jirên, ne caxwãm pê hõmpun xà caxuw.

⁴ Pê wa ajco amrãa to amrã. Ampo na? Pê nee ihkàhhôc na hê xà jirênxà ata caxuw jŭm impej nare, cute ahna hê xà atajê jirên, ne caxwãm pê irît ne cute hõmpun xà caxuw.

⁵ Mã pahhi na mehkwy nõ ata te imã:

— Apu acwÿr nare, hõmpu he, Juta na mehkwy jŏ Pahhiti pê rop cahàcti jŏkre hôhti pyràcti ita ri me hirôa pê carôt tÿj. Ne cupê pahhi Tawi xwÿ tàmwxwÿtàmwxwÿ, Juta tàmwxwÿ, ne taa mã quê ha ihtÿj ihkàhhôc na ihtô xà te xetitajê jirên pa, ne capô ne hõmpu — hajÿr.

Jeju pê carà cahàcre kra nõ pyràc, mã jŭm jaxà kam cute mehcuran xà

⁶ Wa pea ite carà cahàcre hôhti kra xŭmre nõ pupun, mã Pahhiti krÿ xà cuna mã xa. Mã cute me cwat atajê me, pahhi catêjê atajê te mehkrã. He pê ihhê ne jŭm carà cahàcre kra xŭmre ata cura, mã hacpÿa mãihtÿr ne xa ata pê me pajŏ Pahhiti pê Jeju. Ne kam hÿpàr te xet, ne kam into te xet. Ne cukrã xà te xet atajêpê Pahpãm Carŏ Pejti caca xà te xet atajê, mã pjê wÿr hãn ne mehkujate, atajêa ri.

⁷ Mã pea Caràcahàcre Kra ita mŏ, ne cute, por Pahhiti hÿr xà kam jÿata pê awpôc rŭm hŭhkra kam ihkàhhôc ata caxàr.

⁸ Mã pea, pom cute me cwat itajê me, pahhite winticwat atajê me, cuna mãmehkôn krã na mehpÿm. Ne pê ahpÿanre name cumã me hàkôr xà. Ne ahpÿanrena me cumã ampo kŭm cuxwati

atajê te wakÿre pràti atajê to hipu partu atajê pê Pahpãm na mehkwy te me to cumã mehçakôc xà pyràc.

Ihkàhhôc jihê mën xà caxuw Jeju pej

⁹ Pê ajco mençrer tuw to mençrer to me hane he:

“Ate ihkàhhôc ita pyr ne hihê mën xà caxuw ampeaj kam apej!

Ampo na?

Pê ca ty, ne acaprô jaxwÿ.

Ne acaprô jaxwÿr ata to Pahpãm mã pjê kamkrìxàre cunea pê mehkwy japrô,

ampo kra me, me harkwa pihho to mehçakôc catêjême,

pjê cunea kam atajê cunea pê ca me haprô.

¹⁰ Ne amji mã mehçunea to amã me hàpên catêjê.

Ne me taa mã quê ha mehkwy to me amã mehçakôc,

ne me taa pjê cunea to mehhimpej” hane.

Pjê me còjkwa kam mehçunea ame Jeju catia to me cumã ihçakôc

¹¹ Wa hipêr irīt ne ite Pahpãm mã memprar catêjê jàhtôa to hàhtô ne me hõmpun, ne me hàhtôti atajê pê jũm te me cahyt par xà nare. Mãcute Pahhiti krĩ xà me, cute me cwat itajê me, me pahhi itajê krã tu ne me to xa, ne kÿj cati pèa mã cute me cumã harën to:

¹² “Apê Caràcahàcre Kra pê Jeju.

Pê ca amji to me ikritxwÿ, pê ca ijaxà kam ty ne apeaj to apej.

Ne me hirôa pê atÿj, ne me hirôa pê gakraj, ne
me hirôa pê ate amji jahkre pej, ne me
hirôa pê ahihtÿj!

Mã pjê cunea kam amji mã me acupa, ne
mehcunea mã apejti na gahkre pej, ne me
imã mehcunea te acatihti me apejti name
garĕn na me to prãm!” hajÿr.

¹³ Ne pea ite ampo pryre cunea increr na kam
ijapac. Cŏjkwa kam cuwĕnti me, pjê kam pryre
me, pjê krac ri pryre itajê me, cŏxwakam tep
me, pjê cunea kam, pryre cunea increr na kam
ijapac. Mã cute menrcer to hajÿr he:

“Por ca ajÿr xà kam jÿ ata me,
Caràcahàcre Kra ata me,
wa acatihtiimpejti na me garĕn to prãm.
Mã pjê cunea kam amji mã me acupa,
ne mehcunea mã apejti na me gahkre pej,
ne mehcunea jirôa pê me acarôt tÿj rohnÿtti mã”
hajÿr.

¹⁴ Mã cute me cwat itajê me kampa ne me cumã:
— Ŷhÿ, ampeaj kam! — hane. Mã pahhi atajê
mehkŏn krã na mehpÿpÿm, ne catihti impejti na
me harĕ.

6

*Hũmre cawrô jakati kam jÿ ata pê me cupê
amji mã hũtâr catê*

¹ Wa pea ite Caràcahàcre Kra te mam, pom
ihkàhhôc na hapÿn xà te xet itajê nŏ hyr na
hŏmpun, ne pea ite, pom cute me cwat itajê nŏ

jökre pêpahhàjê jàhkrihkrit ita par, mã cute kÿj cati pëa mã hàkjêr to:

— Ajpên mō! — hajÿr.

² Wa irît, ne ite cawrô jakati ata pupun, mã ajpên tē. Mã kam me hũmre nō ata jÿ, ne cumã cuuhê, mã cute me cumã pahhi krãhkà jôr. Mã ma totē ne ihtÿj amji mã me cupê pjê cunea pytâr to mō.

Hũmre cawrô caprêcti kam jÿ ata pē me ipijapu to hapôj catē

³ Jirô pê mã ri, hipêr Caràcahàcre Kra ita te ahna hapÿn xà nō ata hyr. Wa pea ite cute me cwat atajê nō te amji to cote ata par, mã cute hàkjêr to:

— Ajpên mō! — hajÿr.

⁴ Mã pea cawrô nō caprêcti ita cator ne ajpên mō. Ne kam hÿr catē ata te pjê kam, cute me ipijapu ne me hũmre te pjê kam me amji kwÿa curan xà caxuw, amji na hũpar. Mã jũm te cumã caxuw wapo xwahhihti nō catiaita jôr.

Hũmre cawrô tycti kam jÿ ata pē mehkôt prãm cràn catē

⁵ Ne Caràcahàcre Kra ita te hipêr ahna hapÿn xà incrê hyr xà ita kam, wa ite cute me cwat atajê nō te me to incrê ata par, mã cute hàkjêr to:

— Ajpên mō! — hajÿr. Wa irît ne ite cawrô tycti ita pupun, mã ajpên mō. Mã kam hÿr catē ita te hũhkra to cute ampo to ipipên xà ita pyr ne kam to jÿ.

⁶ Mã cute me cwat itajê cajpuaw jũm jökre ita jũjarên ita te hajÿr he:

— Amcro pyxit kam me hâpên xà jahpan xà na, me cumã arÿjhy na crat to pyxit peaj ne agõ. Ne kwÿr xôm na, ca ha me cumã crat to incrêne me cumã agõ, amcro pyxit to me hâpên jahpan xà na. Ne hõ kryjre to ampeaj kam me cumã hĩ to ahwÿ. Ne nee ampo to impê xà me, ampo itajê nõ to apicacwÿr nare, ne nee hanea ne ampo cacôxÿre ita me ampo itajê nõ to apicacwÿr nare — hajÿr.

Hũmre cawrô tatapre kam jÿ ata pê me hipej catê

⁷ Jirô pê mã ri Caràcahàcre Kra te ahna hapÿn xà te cwat ita hyr. Wa ite cute me cwat itajê nõ te me to cwat ata par, mã cute hàkjêr to:

— Ajpên mõ! — hajÿr.

⁸ Wa pea irĩt ne ite cawrô tatapti ata pupun, mã kam hÿr catê ata kam jÿ, mã cute me cumã haprÿ jõr to Me Hipej Catê. Mã ramã pjê kammehtyc catêjê ihkôt ame ipa. Ne pea cute pjê kam me hipej na amji na hũpar to hajÿr he:

— Ca ha ahpÿanre na mehcuran xà cunea to mehcuran to apa. Quê ha me hũmre me cwat, ca ha me ipijapu na me to, quê ha me ajpu ne me amji pyxit ne me amji cura. Ne prãm me, me hà me, pjê kam ampo kên jàprê cunea to mehcuran to hane he. Quê ha me hũmre me cwat, ca ha mehcuran xà itajê to hãn ne me pyxit ne mehcura — hajÿr.

Cute mehkwÿ jipej jahpan xà na, cute me to kên na me ahwÿ

⁹ Mã pea Caràcahàcre Kra ita te ahna hapÿn xà te xĩc ita hyr. Wa pea ite Pahpãm mã ampo

kũm cuxwati to caxàr xà ata pupun. Mã ihkrac ri mecaxwỳn jàhtôa ne me jỹ, atajê pê Pahpãm jarkwa to mehcahôc catêjê te catyt kamme ipa, mã me curê xwỳn te amehcuran atajê caxwỳn, wa ite me hõmpun.

¹⁰ Mã mehkrãhhia kam cute ame caràr to:

— Me ijõ Pahhiti impejti ne carôt tỳjti ata! Ampeaj kam apê Pahpãm ata! Jũ caxuw ca ha pjê kam itajê cukij? Ne jũ caxuw ca ha cute ame icuran catêjê itajê to apu ihkên, cute me icuran jahpan xà na? — hajỹr.

¹¹ Mã ahpỳanre na cute me cumã mehkà jakati atajê jõr partu, ne me cumã:

— Ca ha cama ame akôt to mehkryjre ne. Ne hanea ne cute ame gápên xà ita to me hápên, ne me ato amji kjê catêjê kwỳ jikaj. Por quê ha cormãhanea ne amehcura atajê, quê ha me akôt me cato ne me aràn. Ne pea cute amji mã me gàhtô na, cute me ato hũjahkre xà ata mã, me ato hahê — hajỹr.

Quê ha Pahpãm to cute ame kên jahpan xà na ame to kênre ne

¹² Wa pea ite Caràcahàcre Kra te ahna hapỳn xà te xêj ita hyr na hõmpun. Mã pea pjê jàhcujrõn, ne pyt kam awcapàtkô tycti ita pêihhêj rũm cupêhkà tycti ata pyràac, ne putwry intep pê ihhêj rũm me caprô tep.

¹³ Mã caxère côjkwa pĩn apu ipijaxwỳr te hajỹr, pom quê hãn ne kôc prĩn mã ipàr to ahcujrõ, mã hãn ne apu pjê kam ajxwỳ he.

¹⁴ Mã côjkwa jamre xà te hajỹr, pom quê hãn ne ampo kà incrà amji krã, cu me capône me

cumã hikra, mã hãn ne hacpÿa mã amji krã to pra he. Ne por hakôt apu ihkrĩ atajê me, cô kam amcrà jacot atajê te amji pê ihkrĩ xaitajê caca, ne ma cupê ipintuw partu.

¹⁵ Mã pjê jŏ pahhi catêjê me, krĩ jŏ pahhi catêjê me, krãhtare jŏ pahhi catêjê me, por me hakràj catêjê atajê me, me carôt tÿjti atajê me, me hũmre cunea me, cama me cumã me hàpên catêjê me, me hŏ pahhi me, mehcunea pimxur, kên kre me hàhkà jakôt krac ri ame ipimxur partu.

¹⁶ Ne cute kên kre me, hàhkà jakôt mã mehkrãhhia kam me caràr to:

— Ame ikam apÿpÿm ne ame ipro, por hÿr xà kam jÿ ata me, Caràcahàcre Kra ata te ame ikam incryc xà atajê cupate, ca ha me cupê me ito amxu.

¹⁷ Ampo na? Hamre, ramã cute ame ikam incryac to incryc jŏ amcroa kam hàhhuc, na wa ha nee me inŏ cumã ijũcanãr nare — hajÿr.

7

Pahpãm na mehkwy te 144 mir kuctÿj kam hapÿa na ihhŏc

Ipipĕn Xà 9.4

¹ Jirô pê mã wa ite cŏjkwa pĩn Pahpãm mã memprar catêjê te cwat te me pjê jŏ xwahhi jŏ kŏc te cwat na incwÿr, ne me huwahi, ne me to ihcuhhê na me hŏmpun. Ampo na? Cute ame to kênxwÿjrea na mam kŏc nŏ te pjê me, cô me, pĩ pàr nŏ jakôt cupate ri cute me to amji tÿj ne me to xa.

² Wa pea ite Pahpãm mã memprar catêjêa nõ pupun, mã pyt japôj xà rũm ihtor, ne tẽ. Ne Pahpãm tĩar ihkrĩ ata te haprĩa na cute mehhôc catê ata kujahêc, mã ihkwỳ te cwat te apu pjê me cô cunea to kên catêjêatajê wỳr tẽ. Ne kỳj cati pêa mã cute ihkwỳ mã caràr to:

³ — Ca ha nee cormã ne ame pjê to kên nare, ne nee cormã ne ame cô to kên nare, ne nee cormã ne ame pĩ pàr nõ to kên nare, wa ha xa mepajô Pahpãm tĩar ata jô tekjê na ame ipa atajê kuctỳj kam haprĩa na ihhôc pa mã — hajỹr. Ne cute me kam mehhôc par.

⁴ Wa pea ite, cute Pahpãm japrỳ na mehkuctỳj kam ihhôc itajê jàhtô na me harẽn par. Mã me hàhtô na cute me 144 mir. Ne me cupê ahpỹanre na Ixahercatêjê jakrã ne ajpẽn kam mehpyĩm ne me xa.

⁵⁻⁸ Pê Ixaher catêjê na ahpỹanre na me hakrã kwỳ amji to atajê, amji to me ajcokjê ne me xa, pêahpỹanre na ajpẽn caxuw me hakrã hàhtô na me tôxi mir. Ne Ixaher catêjê na kjêjê name amji to ne me xa atajê pê, Juta me, Rupẽn me, Cate me, Axer me, Naptar me, Manaxê me, Ximãw me, Rewi me, Ixaca me, Xepurô me, Joje me, Pẽnjamĩ.

Pahpãm na mehkwy cunea me cumã cati to ihcakôc

⁹ Jirô pê wa irĩt, ne ite me cupêIxaher catêjê nare pê mehcahkrit jàhtôapupun. Mã me hàhtôa to me hàhtô, ne jũ wỳr quê jũm me cahyt pa. Ne ahpỹanre na ajpẽn caxuw ampo kra me, pjê kam krĩxàre cunea me, me harkwa pihho me, pjê cunea pĩn mehcuneaPahpãm krĩ xà ata me Caràcahàcre Kra ata cuna mã mehkà jakati kam

me xa, ne me hũhkra kam têrti hô pit mã, me to xa.

¹⁰ Ne kýj cati pêa mã me hũjarĕn to:

— Por Pahnãm hỹr xà kam jỹ ata, me Caràcahàcre Kra ata pê ri me ikĕn pê me ito hapôj catêjê — hane.

¹¹ Pê Pahnãm mã memprar catêjê cunea Pahnãm krĩ xà ata me, me pahhi catêjê cunea me, por cute me cwat atajê pu na me ajxĕr ne me to xa. Ne mehcunea mehkôn krã na me hỹr ne pea me Pahnãm jarĕn to:

¹² — Taamã, ampeaj kamquĕt acati, ne mehcunea mã apejti na gahkre pej, nequĕt akrã krea to akrã kre. Ne ate me imã ampo pejti jŏr atajê pyrĕn ampeaj kam me ijakry, ne mehcunea amji mã me acupa, ne mehcunea jirôa pê acarôt týj, ne me hirôa pê ahihtýj rohnýtti mã. Taamã! — hane.

¹³ Mã me pahhi nŏ te icukij ne imã:

— Mĕr jũmjê mã mehkà jakati kam amehcuhhĕ atajê? Ne jũ pĩn mã ame hapôj? — hajỹr. Wa ite cumã:

¹⁴ — Pýpýn, ipê me hahkre kêatre, ne quĕt amãa ri me hahkre pej — hajỹr. Mã cute imã me harĕn to:

— Pom me xa itajê pê ame amji pupun xà kêanre to ame amji pupu, ne Caràcahàcre Kra ita caprô to ri cute ame amji mã mehkà itajê cahhŏn, mãmehkà itajê jakaa to haka.

¹⁵ Cwýrjapê ri Pahniti pê Caràcahàcre Kra ita krĩ xà ita cuna mã amehcuhhĕ, ne amcro me caxwa cunea kam Pahnãm to me amji kam me hapac xà jũrkwakam me hàpĕn to pyt, ne me to

apĕ, ne por hÿr xà kam jÿ ata ri ihtÿj haprÿa na me hamâr to ihkrĭ.

¹⁶ Ne quĕ ha jÿ caxuw hipĕr me cumã prãm nare, ne nee me cumã kôr nare. Ne nee quĕ pyt cacro me ampo cacrohti me to caxàr nare.

¹⁷ Ampo na? Por Caràcahàcre Kra ihkrĭ xà jipôc ri jÿ ata, quĕ ha amji to me hamâr catĕ catihti, ne ma, por cô impejti te me to ihtĭr rohnÿtti mã xà ata wÿr me to ipa, quĕ ha pea Pâhpãm me cumã mento cacô atajĕ incrã — hajÿr. Hô, cute imã me harĕn to hajÿr.

8

Côjkwa kam ahcarĭcti

¹ Ne pea Caràcahàcre Kra te ahna hapÿn xà te xet ita hyr, mã pea côjkwa kam ahcarĭcti na ahtÿm ryre.

² Wa pea irĭt, ne ite Pâhpãm cuna mã cumã membrar catĕjĕ te xet ne mehcuhhĕ na me hõmpun. Mã cute ahpÿanre na me cumã hõhhi jôr partu.

Pâhpãm na mehkwy te cumã mehcakôc xà

³ Mã pea Pâhpãm mã membrar catĕ nõ ata te ampo run xà prãti pê ôr ita pyr, cumã ampo to me caxàrxà cahĕ na ne to xa. Cute kam ampo kÿm cuxwati ata kwÿ to hipu prãmte ri to xa. Mã cute me cumã ampo kÿm cuxwati catia ne hõr. Pâhpãm na mehkwy te Pâhpãm mã mehcakôc xà ata pê ri ihhĕj rÿm ampo kÿm cuxwati te caxàr xà ata. Mã ma ôr te ampo kÿm cuxwati te caxàr xà ata wÿr to mō, Pâhpãm krĭ xà cuna mã xa ata wÿr.

⁴ Ne hũhkra pĩn ampo kũm cuxwati ata kũm ma hàpir to mŏ, Pahpãm na mehkwỹ cunea te me Pahpãm mã mehcakôc xà atajê me ajkaam mã ma Pahpãm wỳr hàpir to mŏ.

⁵ Mã pea Pahpãm mã memprar catêjê nŏ ata te ampo run xà ata pyr, ne kam ampo kũm cuxwati te caxàr xà ata jŏ cuhy pŏc to hipu, ne ma ahpar mãpjê wỳr to hũcapêr. Mã pea kam pahhàjê ahkrihkrit, ne kam me caràr, ne ampeaj kam, kam ihcuxê, mã pjê cunea apu ahcujrŏ.

⁶ Mã Pahpãm mã memprar catêjê te xet atajê te hŏhhi te xet atajê cakôr xà caxuw ame to hàhcuprŏn.

Pjê kam ampo jàhtôa te caxàr

⁷ Mã mam pyxit ita te hŏhhi cakôr. Mã pea cuhy cator, ne kên te ta me, caprô picacwỳr, mã ma pjê wỳr ahpar mã cute to hũcapêr. Ne hanea ne pjê jàhtôa ne cute to caxàr. Quê ha pjê incrê, quê ha pyxit ne to capa. Mã cute pĩ jàhtôa ne to caxàr. Quê ha pĩ incrê, quê ha pyxit ne to capa. Ne hanea ne cute kam pŏre kukũmti ata cunea to caxàr par.

Côxwa te me caprô na amji jahkre

⁸ Jirô pê mã ri hipêr ita te hŏhhi ita cakôr. Mã ampo pê ihhêj rũm hàhkà jakôtti te apu ihpôc to ipa pyràcti ata ihpôc to mŏ, mã maahpar mã côxwa kam cute to hũcapêr. Mã pea côxwa jĩkjê te me caprô na amji jahkre. Quê ha côxwa incrê, quê ha pyxit ne caprô.

⁹ Mã côxwa kam ampo apu ipa itajê jàhtôa ne ihtyc par, mã hanea ne pàr kre jàhtôa ne hamre. Quê ha ampo incrê, quê ha pyxit ne hamre.

Cô ajpjê atajê nõ xya to hỳ

¹⁰ Mã hipêr incrê ita te hõhhi cakôr. Mã caxêre nõ catia ita pê ihhêj rûm pahte ame pajũhkra to ame pĩ pôc cwýr, mã hãn ne apu ihpôcto ipa, mã ma cõjkwa pĩn cô kam ihpým.

¹¹ Ne caxêti ita japrý te Xýhti. Cwýrjapê ri cô jĩkjê kam caxêti ita pýpým atajê xya to hỳ. Quê ha cô incrê ne ajpjê atajê nõ pyxit ne hýa to hỳ. Cwýrjapê ri me hũmre kwý jàhtôa ne cute cô ata to mehkôm catêjê cunea tyc partu.

Cõjkwa kam ampo ahcujro atajê cunea jĩkjê kam awcapàtkô

¹² Mã cute to cwat ita te hõhhi cakôr. Mã pea pyt me, caxêre me putwrý jĩkjê pot kam awcapàtkô. Ne nee pyt jĩkjê pot kam hàhcujro jõ amcro jàhcujro nare, ne kam awcapàtkô. Ne caxêre te hajýar, ne putwrý te hajýar, ne nee hĩkjê pot kam hàhcujro nare, ne pea cajê to mõ.

¹³ Jirô pê mã wa irĩt, ne ite hàcti nõ ita tor ne kàaj mã tê ata pupun. Mã cute ihkrãhhia kam hũjarẽn to:

— Aký, aký, aký, por pjê kam amehkrĩ atajê, quê ha cormã me Pahpãm mã memprar catêjê incrê te me hõhhi cakôr atajê jõkre kampa, ne pea mehkên mã me axà! — hajýr.

9

Ampo kên pê hõxwa catia pyrác atajê me cumã mehkàj xà to

¹ Jirô pê mã ri Pahpãm mã memprar catê te xĩc ita te hõhhi ita cakôr. Wa ite, pom pjê kam

caxêti nõ te ampo carõ kên jũrkwa kre jatôhhy nare ata jihê mên xà pyr na hõmpun.

² Mã caxêti te kre jatôhhy nare ata jihê mên, mã ihpîn ihkũm jicrôtti ita pê ihhêj rũm kwÿr cajror xà jicrôt, ne pom kre jicrôt cator ita te pyt pro, mã pea kÿj pê kam awcapàtkô.

³ Mã ihkũm jicrôt ita pîn xycxycti itajê hapôj, ne ma pjê wÿr ajpên pra, ne ihhêj rũm incaca xà pê pactia incaca xà.

⁴ Mã jũm te me cumãn to hajÿr he:

— Ca ha nee ame põre kukũmti atajê nõ to kên nare, ne nee ame ahkêt to kên nare, ne nee ame pjê kam ampo pĩ pàr atajê nõ to apu mehkênare. Ne por me hũmre kuctÿj kam Pahpãm japyr na ihhêc nare atajê to pit mã, ca ha atÿj amehkên.

⁵ Ne nee amehcuran nare, ne cama me cumã mehkàj xà to, quê ha mehkàj xà itajê na ame amji pupun kêanre ita to ame putwry to xĩc — hajÿr. Ne pom quê hamehkàj xà itajê pê, quê ha ihhêj rũm pacti te ame caxwÿr xà.

⁶ Putwry te xĩc ita kam, quê ha me hũmre atajê tee apu amji to mehtyc xà japê, ne nee ampo te amehcuran xà atajê na ame hapôj nare. Quê ha ihtÿj amehtyc prãm cakrô, quê ha ma mehtyc xà atajê ame hahpa.

⁷ Ne xycxycti itajê pê ihhêj rũm cute ame hàprê xà wÿr cute cawrô pytàr xà ame to hàhcuprôn. Ne ihkrã kam ihhêj rũm cupê wakÿre prà tepti pê ôr teihkrãhkà, ne ihkuc pê ihhêj rũm me hũmrea kuc.

⁸ Ne ihkĩ pê ihhêj rũm pyjêa kĩ. Ne wa pê ihhêj rũm rop cahàcti jõkre hòhti xwaa.

⁹ Ne hĩ pytàr xà ita pê ihhêj rŭm wakÿti te ame hĩ pytàr xà. Ne hara jàhkrihkrit pê ihhêj rŭm cawrô jàhtôa te me hàprê xà wÿr kujtikjên to ihprôt jàhkrihkrit.

¹⁰ Ne cupê pactia ne hapy kam ihpêrhy, ne ihpêrhy ita pê ihhêj rŭm wakÿti te ame caxwÿr xà, ne wahhi. Ne ihpêrhy ita to quê ha ame hŭmre itajê caxwÿr toïpa ita to putwÿr to xĩ.

¹¹ Ne ihtÿj cumã hō pahhi mã to ihhimpej, por caxêтите kre jatôhhy nare jihê mên xà to amji pytàr ata pê ri hō pahhi. Ne Ixaherjarkwa na haprÿ te Apatō ne Crec jō pjê catêjê jarkwa na ri haprÿ te Apôrijō ne, pom haprÿ itajê hŭjarên to “Me to hamre catê”.

¹² Ne mam cute me amji pupun xà kēanre catia ita te ma ramã me hakren. Jirô pê mã, quê ha ihtÿj cormã cute me amji pupun xà kēanrepijakrut atajê cormã me hÿrmã cato.

Krãhtare me hàhtôa jipej

Roman 1.18-27

¹³ Mã pea Pahpãm mã memprar catê nõ te ihkwÿ to xêj ita te hōhhi cakôr. Wa pea ite Pahpãm cuna mã wakÿre prà tepti pê ôr te ampo kŭm cuxwati pôc xà jō xwahhi te cwat ata pĩn jŭm jōkre ita par.

¹⁴ Mã cute hōhhi cakôr catê ata mã:

— Por Cômpejti jō cōhti cahi na Xatanaj mã memprar catêjê te cwat ne me huwapre ne mehcuuhê atajê mã me hê pô, ne me cumã hikra — hajÿr.

¹⁵ Mã cute me Xatanaj mã memprar catêjê te cwat itajê mã me hê pôn, ne me cumã hikran. Ne pê ramã ampo itajêa na me to awjahkre, amcro

ata me, putwrȳ me, caku me, mār quē pjê kam me hũmre jàhtôa ne me hipej. Quē ha me hũmre incrê, quē ha pyxit ne ihcura.

¹⁶ Ne ite me cumā cawrô kam me hàprê catêjê jàhtô na cute me 200 mirjāw na ite me harên par.

¹⁷ Ne irĩat kam ite cawrô itajê pupun, kam me hàprê catêjê mea mǎ, mǎ me hĩ pytār xà itajê tepti ita pē ihhêj rũm cuhy, ne ihkukũmti itapê ihhêj rũm cõjkwa kukũm, ne ihtatapti ita pē ihhêj rũm pyrânre tatap. Ne me hõ cawrô krã itajê pē ihhêj rũm rop cahàcti jõkre hòhti krã, neharkwa pĩn ihtyj cuhy hapôj. Ne ihkũm hapôj ne hanea ne kam ihkũm tatapti ita hapôj, cute mehcuran xà caxuw.

¹⁸ Ne pom cawrô jarkwa pĩn cuhy me, cuhy kũm me, ihkũm tatapti atajê te me hũmre jàhtôa ne me hipej xà. Quē ha hũmre incrê, quē ha hòtpê pyxit ne mehcura.

¹⁹ Ampo na? Cawrô itajê cunea jarkwa kam ri hàprê xà, ne hanea ne hany kam ri hàprê xà. Ne hany kam ihkrã itajê pē ihhêj rũm cagã krã, mǎto me hũmre cãmxa, mǎ mehkàj xà kēanre na, me amji pupun xà kēanre to me ipa.

Ma cute ame amji kam me hapac xà to ipintuw caca

²⁰ Ne ampo te amehcuran nare atajê cahhur jàhhuc atajê te nee me hũhkra to cute ame amji mǎ me hõ pahpām cahàc krekà ton atajê kĩn jicu nare. Ne nee hanea necute ame ampo carõ kēn itajê kĩn jicu nare, ne pom me hõ pahpām cahàc krekà itajêri he: Wakÿre prà tepti pē ôr te me hõ pahpām cahàc krekàita, ne wakÿre prà jakare te pahpām cahàc krekà me, kēn te me hõ

pahpãm cahàc krekà me, pĩ te me hõpahpãm cahàc krekà. Ne me hõ pahpãm cahàc krekà itajê nee irĩt, ne nee hũpar nare, ne nee hanea ne ipa nare cakrô, mã ihtyj me cumã ihkĩn.

²¹ Ne nee cormã cute mehkwy curan jicu nare, ne nee cormã cute me hũxy xi jicu nare. Ne hanea ne nee cormã cute ahti na ame pyjê caxun itajêjicu nare, ne nee cormã cute ame hàhkj jicu nare.

10

Ta jàhkrihkrit te xet jarẽn xà, Jowãw te ihhòc xà nare

¹ Wa pea ite cõjkwa pĩn Pahpãm mã memprar catê nõ tỹti ata pupun, mã ajpên ahpar mã iwryc to mõi. Ne ihkà ita pê ihhêj rũm ahcakrã, ne ihkrãkam ta jõxwỳn xa, mã to mõi. Ne ihkuc prà ita pê pyt prà. Ne ihte pê cuhy ne kam xa.

² Ne hũhkra kam ihkàhhòc nõ ita crire ne ihpahe hiahpuro mã to tẽ. Ne cute cõ kam awpõc rũm ihpar ita xãm, ne pjê kam cute awke xãm.

³ Ne kỳj cati pêa mã caràr, ne caràr ita pê ihhêj rũm rop cahàcti jõkre hòhtijõkre. Caràr jirô pê mã cõjkwa pĩn me hòkre jàhkrihkrit te xet pêta jàhkrihkrit pyrãcti ita to cute catia.

⁴ Ne cormã cumã mehcakõc kwỳa kam, wa ajmãr ite ahna ihhòc, ne ramã ahna ihhòc xàa caxuw apu amji mã ahcuprõ, mã cõjkwa pĩn jũm jõkre ita te imã:

— Aracri acaxwãm pê amji mã me hũjarẽn xà itajê nõ, ne nee ahna ihhòc nare — hajỹr. Wa ite impar, ne nee ahna ihhòc nare.

*Pê Jowāw mā cute ikrēr xà caxuw ikrēhōc
crite gō*

⁵ Wa pea ite pjê me cô kam Pahpām mā memprar catê ata pupun, mā cute cōjkwa wŷr awpōc rūm hūhkra pēr, ne ihcakōc.

⁶ Por Pahpām ihtīar ikrī ne cute cōjkwa me, pjê me, cô kam ampo cunea ton ata jarkwa na hūjarēn te hajŷr he:

— Quê ha nee hipêr amji to amcro nō mēn nare!

⁷ Quê ha Pahpām mā imprar catê te ikrwŷ to xet ita hōhhi cakō. Quê haPahpām, pom pê ramā cumā me hāpēn catêjê pê harkwa to me cumā ihcakōc catêjê mā, amji kam hapac xà na amji jarē ata to hāpēn kam tē — hajŷr.

⁸ Mā hipêr cōjkwa pīn jūm te imā ihcakōc ata te hipêr imā ihcakōc ne imā:

— Tē ne Pahpām mā memprar catê nō, cô me pjê kam xa ata jūhkra kam ikrēhōc nō curor hiahpuro ata, cupê apy — hajŷr.

⁹ Wa ma tē ne ite ikrēhōc ita na ikrwŷ. Mā cute imā hūjarēn to:

— Ikrēhōc ita py ne krē, quê ha garkwa kam inxô pê pen xō, ne gōxà kam quê ha wa xŷ — hajŷr.

¹⁰ Wa ite cupê ikrēhōc ita pyr, ne ite ikrēr. Mā ijarkwa kam inxô pê pen xō, wa ite ikrēr jirō pê mā ri ijōxà kam, wa xŷa to hŷ.

¹¹ Mā cute imā hūjarēn to:

— Ŷhŷ Jowāw, hipêr amā ate ampo kra me, krīxàre me, pjê kwŷ me, me harkwa pihho catêjê kwŷ me, pahhi kwŷ mā Pahpām jarkwa kwŷ jarēn xà — hajŷr.

11

Pê Jowāw cute me Pahpām kīn catêjê cahyt

¹ Ne cute imā ampo to ipipĕn xà pĕ pī cajrer pyrācti ata jŏr, ne imā hūjarĕn to:

— Hā, to xa ne tĕ, ne to Pahpām to cute me amji kam hapac xà jŭrkwa me, cute cumā ampo to caxār xà ata to ajpĕn, ne cute me Pahpām kīn catêjê atajê cahyt.

² Ne pŏ pĕ carāhti ata, ca nee to apipĕn nare. Ampo na? He kaam quĕ ha mehcahkrit atajê, por cupĕ Jutacatêjê nare atajê me amji to caku to incrĕ ne ihkôt hīkjê xà, na ri Pahpām te me cumā Krīmpejre jŏ cā carāhti ita jahkre.

³ Ne wa ha ma ijarkwa to mehcahôc catêjê pijakrut te xāc to mehkà atajê ajwar kujate, quĕ ha me ijarkwa jarĕan to caku to incrĕ ne ihkôt hīkjê — hajŷr.

Pahpām jarkwa to mehcahôc catêjê pijakrut

⁴ Harkwa to mehcahôc catêjê pijakrut itajê pĕ pīxô pàr cacô pôc pejti ata pyrāac, ne me cupĕ ihpôc xà pijakrut itajê pyrāac, por Pahpāmpĕ pjĕ jŏ Pahhiti cuna mā me xa atajê.

⁵ Quĕ ha jŭm te ame to kĕn prām to mŏr na, quĕ ha me harkwa pīn cuhy cato, ne me curĕ xwŷn ata to hamre. Hŏ, quĕ ha jŭm te ame to kĕnprām to mŏr na, quĕ ha cama ty.

⁶ Ne cute me Pahpām jarkwa jarĕn to ipa atajê te cŏjkwa pīn ta to me iwŷyc nare na, cute amji caxuw me hūpar. Ne hanea ne cute cŏ kam me caprŏton xà caxuw amji na me hūpar. Ne hanea ne cute ampo kĕn jàhtŏa to ame pjĕ to kĕn xà caxuw amji na me hūpar.

⁷ Ne caku crê ne ihkôt hĭkjê kam quê haame to hane, ne cormã me hũjarĕn jicu, me ajkam quê ha ampo kĕnti ata kre jatôhhy nare ata pĭn mehwÿrcato, ne me kam tĕ. Quê ha ame ajpu ne ajwar me tohjê ne mehcura.

⁸ Ne pê mam krĭ catia kam, mam me hŏ Pahhiti curaata jŏ krĭ cape na, quê ha me hũmre pijakrut tyc atajê me nŏ. Ne por krĭ krã kĕanre ata pêKrĭhpôc me Ejit jŏ pjê krã kĕanre ata pyrâac.

⁹ Quê ha ampo kra me, krĭxàre atajê me harkwa pihho catêjê atajê cunea me nŏr ita na me hŏmpun to amcro to menchrê ne ihkôt me to hĭkjê. Ne neequê ha jŭm me harĕt na amji jamâr nare.

¹⁰ Ne pjê kam quê ha mehcuran xà ata to ame amji mã amji kĭn to, ne hŭrĕn ame hakry. Ne quê ha ihtÿj me hŭrĕn me hakryte ame amji mã me ampo jŏr to me ipa. Ampo na? Pom Pahpãm jarkwa to mehcakôc catêjê itajê te me hũmre mã mehkĕn xà catia ton, ne mehtyc, na ri ame hakry.

¹¹ Ne me ahna amcro incrê ne ihkôt hĭkjê, quê ha Pahpãm pĭn mehtĭr xà jŏ kŏcti pahtÿjti ata cato, ne ajwar me hakô, ne me cumã axà, quê ha ajwar me jÿ ne me hãm pyrentu. Quê ha cute mehtĭrna me hŏmpun atajê mã me hũpa to me hũpa.

¹² Quê ha Pahpãm jarkwa to mehcakôc catêjê pijakrut itajê me cŏjkwa pĭn jŭm jŏkre pahtÿjti ata kampa, quê ha me cumã hũjarĕn to:

— Ajpĕn iwÿr me api! — hane. Quê ha cormã ame curê xwÿn itajê amehŏmpun kwÿa kam, quê ha ma ahcakrã nŏ ita kam cŏjkwa wÿr me hàpir to mŏ.

¹³ Me ajkaam quê ha pjê hàhcujrõn kam tẽ, ne hàhcujrõn to catia to cati. Na quê ha krĩ jĩkjê pot ne to hamre. Quê ha ikre tej, quêha pyxit ne hamre. Ne pjê jàhcujrõn ata quê ha mehàhtô na me to xet mir ne me hipej. Na quê ha mehwý me hõmpu, ne me cumã hũpaa to hũpa. Na quê ha me cõjkwa jõ Pahpãm mã me catia to cati na, me cumã harẽ.

¹⁴ Ne ramã cute amji na me cute me amji pupun xà kêanre ata pupun to me ipijakrut, mã ramã hamre. Ne me hõmpu he, quê ha cormã cute amji namehkên xà kêanre incrê pupun xà ata, quê ha cormã mehwýr cator pyrentu.

Cõjkwa kam ihtýj me Pahpãm jarẽn pejti to me ipa

¹⁵ Mã Pahpãm mã memprar catê te xet ita te hõhhi cakôr, mã cõjkwa kam me hõkre ita jũjarẽn xà ita te hajýr he:

— Hamre, ita caxuw Pahpãm pê me gõ Pahhiti me, ihkra pê Crixto te pjê ita cunea to mehhimpej xàa kam ri ramã hàhhuc, ne taa mã quê ha hõtpê ihhimpej rohnýtiti mã — hajýr.

¹⁶ Mã me pahhi te me winticwat ne Pahpãm cuna mã mehkrĩ xà kam amehkrĩ atajê, mehkõn krã na pjê kam me hýr, ne pea pjê kam ame hipô, ne ame krĩ, cute me Pahpãm cuna mã amji to mehkryjreprãmte ne pea Pahpãm jarẽn pejti to me harẽn to:

¹⁷ “Me ijõ Pahhiti pê Pahpãm, ampeaj kam acarôt týj, pê ca mam ramã akrĩ ita na,

cormã akrĩ rohnýtti mã!

Wa itỳj apejti na me garẽ.

Ampo na?

Ca ramã ate me imã acarôt catia to ampo itajê
cunea ton,

neita kam ca ha ahimpej xà ata kam to tẽ.

¹⁸ Ne me cupê me akôt me ipa catêjê nare atajê,
ampeaj kam akam mencryc.

Ampo na?

Hamre, ate mehcukij ne ame to kên xàa kam ri
ramãhàhhuc.

Ramã ate mehtyc catêjê cukij xàa kam ri ramã
hàhhuc.

Ne ate amã me hàpêncatêjê me,
garkwa to mehcaôc catêjê cunea to impej xàa
kam ri ramã hàhhuc.

Ne ca ha hanea ne me akwỳ cunea to hanea,
ne me cati me, mehkryjreatajê mea mã,
cute amji mã meacupa.

Hamre, cute ame pjê to kên catêjêto,
ate hamre xàa kam ri ramã hàhhuc!" hane.

¹⁹ Mã côjkwa kam Pahpãm to me amji kam
hapac xà jũrkwa nõ xa ata jarkwa te amjijihê
mẽn. Wa ite pĩ po te Pahpãm jàmcyjên xà ata
pupun, por pê Ixaher catêjê pjê kam ihkôt me to,
ne ajco me hapỳ ne me to ipa ata, Pahpãmme
cute me ajpên par xà ata na. Me ajkaam mã
ihcuxê, ne me hõkre, me ta ahkrihkrit, ne pjê
jàhcujrôn, ne kên te ta pahtỳjti ata.

12

Cagã tepti kêanre krã te xet jarẽn xà

¹ Mǎ cōjkwa kam rỳ jũ caxuw pahte me ampo pupun nare ata te amji to ipipě. Ata pē pyjē nō ata. Ne pē ihkà pē pyt, ne ihpar krac ri putwrỳ ajêt, ne ihkrā kam caxêre te tōxi ne amji to ihkrāhkà ata ihkrā na ajêt.

² Ne pē ramã ihkra, ne ihkra xà te ampeaj kam caràr.

³ Mǎ hipêr cōjkwa kam ampo ita te amji to ipipě ata pē nee mǎ ampo nare, cagãti intepti kêanre nō ata, ne kam ihkrā te xet, ne kam hĩpàr te tej. Ne ahpyãnre na ihkrā atajê na wakÿre prà tepti pē ôr te ihkrāhkà atajê harij.

⁴ Ne cute cōjkwa pĩn hapy to caxêre jàhtôa ne hũhhyr, ne ma pjê wÿr tohũcapêr. Quê ha caxêre incrê quê ha pyxit ne to awcapê. Ne pea pyjē nō ata cuna mǎ hàhhuc ne xa, cumã ihkra ita pÿm kôt māmã, cute ihkrêr prãmte.

Pyjê nō ata mǎ ihkra pÿm

⁵ Mǎ pea pyjē nō ata mǎ ihkra ata pÿm, ne cumã hũmre, por quê ha ihpa tÿjti to krĩxàre cunea to ihhimpej ata. Mǎ ma cute me ahkrare nōata pÿn, cagãti pē, ne ma Pahpãm wÿr me to tē, ihkrĩ xà kam ihkrĩ ata wÿr.

⁶ Mǎ ma cagãti te inxi to irô, ne ahna ipipkjêr ne apu to kên prãm. Mǎ ma inxi ata, por pē ramã Pahpãm cumã ahkêt kam ipimxur xà toata wÿr tē, ne curia quê ha me to ipijapar to caku to incrê ne ihkôt hĩkjê.

Cōjkwa pĩn Pahpãm jō krãhtare me cagãti tohjê

⁷ Jirô pē mǎ ri cōjkwa kam cute me ipijapu kam mehtêm. Pahpãm mǎ me hàprê catêjê jō pahhi

japrỳ te Miquer ata me, còjkwa kam me hàprê catêjême, cute cagãti kêanre ata mã me hàprê catêjê me, me ajpên kam mehtêm, ne ame ajpu.

⁸ Ne cute me cagãti ata tohjê, na quê nee hipêr còjkwa kam cumã me hàprê catêjê me, me hàhhuc nare.

⁹ Ne cagã catia kênti ata, pê mam Xatanaj te mehcunea mã ihhêj ata. Mã ma cute pjê wÿr me to hũcapêr, ne cute cumã me hàprê catêjê tohajÿar, ne ma ihkôt me to hũcapêr par.

¹⁰ Wa ite còjkwa kam jũm jökre tÿjti ata par, mã cute hũjarên to:

— Ita caxuw me Pahpãm te me pahkên pê me pahto cator! Ita caxuw ri Pahpãm te cupê Pahhiti na carôt to ipipê! Ita caxuw ri Pahpãm kra pê Crixtoê ihhimpej xà to ipipê. Ampo na? Por me pahkjêjê jarên kên catê Pahpãm cuna mã xa, ne cute me harên kêanre to caxwa ne to apê ata, macòjkwa pê cute me to hũcapêr, quê ha jũ caxuw hipêr me pajarên to kên nare.

¹¹ Me pahkjêjê te ihtÿj me pahcurê xwÿn tohjê. Ne nee mã amjia kôt cute me tohjê nare. Pê Caràcahàcre Kra pê Jeju ata caprô jaxwÿ, ne me pajaxà kam ty. Cwÿrjapê ri ihtÿj me pamã ajpu, caprô ita kôt. Mãihcãmtà rùm me pahkjêjê atajê ihtÿj amji to mehtyc japên to me ipa. Neihtÿj amji mã me Jeju te me cumã ipijapu na me harên to ipa, na ri ihkôat cute me tohjê.

¹² Na ca còjkwa kam me amji to ajpa atajê, ca ha me acunea me gakrya ne! Ne pjê me cò kam amji to me ajpa atajê, ca ha me apeacre ne. Ampo na? MaXatanaj me awÿr iwÿrc, ne me akam incryc te to hipu tu ramã cumam cumã

amcro incrêre na cute amji jahkre pej na ri — hajÿr.

Xatanaj ihkra xûmre caapô

¹³ Ne cagã kênti ata te ramã pjê wÿr amji to hûcapêr na amji jahkre pej, ne cute, por pyjê nõ mã ihkra xûmre pÿm ata, caapôr kam ihtêm.

¹⁴ Mã cute ahkêt kam ihkrĭ xà ata wÿr ihtor xà caxuw me cumã hàcti catia jara to me ipijakrut ne me cumã hõr. Por quê ha curi amji tome ipijapar to caku to incrê ne ihkôt me to hĭkjê xà ata wÿr, cagãti ata te apu to kên cupate.

¹⁵ Mã cagãti ata te harkwa pĭn cô mã hikran. Mã ma pyjê nõ ata kôt ajpjê, cute cô ata to, ma to ihtêm prãnte, cute ihkôt cumã hikran.

¹⁶ Mã ihtÿj pjê te pyjê nõ ata tehcajpar, ne cô mã harkjêc. Mã harkwa mã cagãti te cô kujahêc ata xâr, mã cute intête ihkrêr.

¹⁷ Mã cagãti ata apu pyjê nõ ata kam incryac to incryc, ne ma tẽ, ne cute pyjê kwÿ pê mehtãmxwÿa atajê kwÿ to kên kam ihtêm. Por me Pahpãm jarkwa kampa, ne catyt kam Jejua kôt me ĩpa atajê tori apu hane.

¹⁸ Ne ma cagãti ita tẽ ne côxwa tohkà na hàhhuc ne nõ.

13

Hûmre kêanre nõ ata pê ampo jàprêa pyrác

¹ Jirô pê mã, wa ite cagãti wÿr ampo kênti nõ ata te côxwa pĭn hàpir na hõmpun. Nepê ihkrã xet, ne kam hĭpàr tej, ne ahpÿanre na hĭpàr itajê na cumã ihkrãhkà, ne ihkrã na ihcakôc xàhêj xi kêanre na ihkàhhôc ata ajêt, nehÿjarên to:

“Ipê Me Apãm Cati” hane. Cute ihkàhhôc kam ihcakôc xà kêanre ita to apu Pahpãm to kên prãmte.

² Ne por ite ampo kênti pupun ata pê ihhêj rûm rop cahàc krorti, ne ihpar pê ihhêj rûm awcapàtkôkrit jũhkrahti, ne harkwa pê rop cahàcti jôkre hôhti jarkwa. Mã cagãti kêanre ata te cumã hàpên xà caxuw carôt catia ne hõr. Ne cute cumã cupê pahhi krĩ xà ata jahkre, ne harkwa kôt cute hàpên na mên.

³ Ne pê ampo kênti ita krã nõ pyxit ne cupê ihhêj rûm haxôp te ihcuran, ne pê ihkên xà te ihcuran xà ata ramã cumã hà nõ, mã hacpÿa mã ramãihtĩr. Mã pjê cunea kam hãn ne ame amji mã ame ipikrar to me ipa, ne cute me ampo kênti ata pynãr, ne ihkôat me amji ton to me ipa.

⁴ Ne mehcunea ame cagãti kêanre ata kĩn, ne me cumã ihcakôc to kênre nare. Ampo na? Pê ampo kênti ata mãcarôt to cute hàpên xà cunea gõ, na pê. Ne hanea ne ame ampo kênti ata kĩn, ne me ajpên mã me to ihcakôc to impejti to hane he:

— Jũm pê mã ampoti ita pyràac, ne cume ipipëan? Ne jũm ri ampeaj kam ihhihtÿj, cute me ajpên cujtên xà na? Hamreare! Jũm me quê amji cujtê! — hane.

⁵ Ne cute me hũmre mã ampo jahkre kêatre ton xà ata na amji na hũpar, ne hanea ne cute Pahpãm na ihcakôc kêanre xà na amji na hũpar, ne taa mã quê ha ihhimpej to caku to incrê ne ihkôt hĩkjê.

⁶ Mã cute Pahpãm cuna mã ihcakôc kên kam ihtêm, haprÿ mea mã, ne hanea ne curi Pahpãm

krĩ xà ata mea mã ahna ihcakôc, ne hanea ne
ihkôtcôjkwa kam amehkrĩ atajê cunea na apu
ihcakôc kêanre.

⁷ Ne cute Pahpãm na mehkwy cunea me apu
ajpu, ne cute me hirô pê ihcuhhê na amji caxuw
hũpar. Ne hanea ne cute ampo kra me, krĩxàre
cunea me, me harkwa pihho catêjê atajê cunea
to ihmipej xà caxuw, cute amji na hũpar.

⁸ Ne por mehcunea pjê kam me amji to me
ajpa atajê cunea, quê ha ampo kenti ata kôt me
amji kampa, ne toa amji mã mehhimpej. Ne por
hacpÿa mãmehtĩr xà jŏ kàhhôc kam me haprÿ
hikwa atajê ri, nee ihkôt me amji kam hapac
nare. Ampo na? He pê Pahpãm pjê ton pèa
mã cute me Caràcahàcre Kra curan na to amji
kampa ata to ri amji mãmehhimpej to me ipa.
Cwÿrjapê ri cute amji mã hŏ kàhhôc kam me
haprÿ nŏr.

⁹ Cwÿrjapê ca me ipar peaj ne, me gũpar mã
ate me hamãr pàràpên.

¹⁰ Por jũm jaxàr xà caxuw apu mŏ ata, quê ha
ihtÿj me haxà, ne por jũm apu wapo xwahhihti
te ihcuran xà caxuw apu mŏ ata, quê ha ihtÿj
wapoxwahhihti to mehcura. Ne pom ampo itajê,
me cupê Pahpãm na mehkwy caxuaw ri, ne quê
ha ihtÿj me cumã awcanã, ne Pahpãm to amji
mã mehhimpej kam me to incrà tu ne.

*Mã hũmre nŏa pè ampo jàprêhti pyrác ata
cator*

¹¹ Ne ite pjê pĩn ampo kenti itajê nŏa jàpir na
hŏmpun. Mã kam hĩpàr pè carà cahàcti hŏhtia
jĩpàr ne ipijakrut. Ne cama cagãti kêanre ata
cakôc xà me ipipèan.

¹² Ne mam cagãti kêanre ata carôat to, kam mare mã hàpên to ipa. Ne pjê kam mehcunea amehkrĩ atajê mã cute mam ampo kêniti ata kĩn na, incryac kam hũjahkre. Por ajmãr cute wapo xwahhihti tomehcuran, mã hacpÿa mã cutea amji caprãr ne impej ata kĩn, na ri incryac kam me cumã awjahkre.

¹³ Ata te ri me hũmre kam mare mã ampo pihhoti catia ton. Ne cute cõjkwa pĩncuhy ton, ne pjê wÿr ihkujahêc, mã pjê kam ihpÿm. Mã me hũmre cunea te me hõmpun.

¹⁴ Mã hapu na ampo kêniti cator ita te ri pjê kam me hũmre itajê cunea mã ihhêj. Mã Pahpãm te cama cute mam ampo kêniti ata carôat to ampo ton xà na hamãr, mã cute ton, ata to ri cute me hũmre cunea mã ihhêj. Ne cute pjê cunea kam mehcunea mã harkwa to:

— Ca ha cute wapo xwahhihti to ajmãr me ampo kêniti curan ita krekà to me amjimã ahimpej, ate amji mã mehkĩn prãmte — hajÿr.

¹⁵ Mã cute me ton, mã pom hapu na ampo kêniti ita te ampo kêniti krekà ata jakôr, mã pea ihcakôc, ne cumã mehkĩn ne me hũpa nare atajê cunea jipej xà caxuw amji na hũpar.

Ampo kêniti ata me hàhtôa kam haprÿ nõ

¹⁶ Ne pea cute me hũmre kà me, me ahkrare me, me hakràj me, me cupê hamreare me, cama me cumã me hàpên catêjê me, amjia kôt me hàpêncatêjê mã harkwa, mãr quê amji kam awpôc rũmamji jũhkra kam me haprÿ nõ, nare, quê ha mehkcuctÿj kam me cunõ.

¹⁷ Ne cute me to hajÿr xà ata kam, quē nee jũm kuctÿj kam ampo kēnti japrÿnare ata mã me ampo to hàhpan nare, ihpore na. Ne nee me cupê ampo japrôr nare, ihpore to.

¹⁸ Ne haprÿ cahyt xà te hajÿr he: “666”. Ca ha ate akrã krea te amji jahkre pejti na, ca ha atÿj kampa.

14

Por 144 mir atajê Pahpãm pej na me harêh

¹ Jirô pê mã wa irît, ne ite Caràcahàcre Kra pê Jeju ata te Xijãw jŏ hàpkàjti na hãm na hõmpun. Mã cahê na cute me 144 mir ne mehcuhhê. Mã mehkuçtÿj kam me Jeju haprÿa hikwa, ne me kam Hũm Cati japrÿ.

² Wa ite cõjkwa pîn me hõkre ata par, mã ihhêj rũm cupê cõhxocti jàhkrihkrit, ne hàwrârãc ita pê ihhêj rũm pahhàjê jàwrârãc, wa ite impar. Mã hõkre pê ihhêj rũm wakÿre japàre ita jõkre par.

³ Mã Pahpãm krĩ xà pu na cute me cwat atajê me, pahhi te me winticwat atajê me, cute mehkrã ne me to xa. Mã me cuna mã cute me 144 mir atajê me xa. Ne mençrer xà intuw ata to me cre, ne jũ wÿr quē pjê pê cute mejũm pytãr nare ata me iràn xà na încrer atajahkre pej ne to cre.

⁴ Ne por me xa atajê te amji kam me hapac xà peaj to impej, ne nee rÿ jũ caxuw pyjê na amehũhkra nare. Quē ha jũ kam Caràcahàcre Kra ata mõr prãm, quē ha ma ihkôt me mõ atajê pê me hũmre cahhur na me hũtà. Ampo na? He me taa mã pê mam Pahpãm me Caràcahàcre Kra ata mã me amji gõ.

⁵ Ne jũ caxuw mehnõ te ihhêj xi xà nõ ton nare. Ne nee ampo pyxitre na mehnõ kên nare, ne mempeaj to mempej.

Quê ha Pahpãm me cupê hõ tekjê nare atajê to hamre

⁶ Wa ite Pahpãm mã imprar catêjê nõa tor, ne kÿj pê ihtêm na hõmpun. Mã cute pjê kam ampokra me, me harkwa pihho me, ampo krĩxàre cunea mã, ihkrãhhia kam Jeju pê me pahkritxwÿ na harên xà impejti to hũjarên to ihtêm na, ite hõmpun.

⁷ Mã cute me cumã hũjarên to hajÿr he:

— Imã me amã ampo pej rohnÿtti mã ata jarên xà ata pê nee mã ampo nare. Caamji mã me Pahpãm cupa, ne catihti na amji mã me harê! Nãmri cute pjê kam me hũmre cunea cukij xà ne me to ipicokjêr jŏ amcroa kam ramã hàhhuc. Ca ha, por cutecôjkwa me, pjê me, côxwa me, hatuj xà cunea ton catê ata, ca ha to me hãmnan prãmte me acakôc to impejti, ne me amã ihkĩnti ne — hajÿr.

⁸ Mã ihkôt mare mã ihtor ita te hanea ne hũjarên to:

— Ma krĩ catia japry te Papirôn jŏ krĩ ata pÿm ne hamre. Ampo na? Por pê curi mehkrĩatajê pê mehkêanre, ne ajco pjê cunea kam mehkwy mã ampo to hahkre to hane he: “Hacme ne ahti na ame pyjê kwÿ caxu” hane. Ata pê ihhêj rũm cutemehkwÿ mã côxÿhti jŏr, ne amehkwÿ to ipipãn pyrãac. Ne me caxun ita pê ihhêj rũm cute me côxÿhti xen, ne ampeaj kam ahti na me cumã me cahãj caxun prãm. Cwÿrjapê ri

Pahpām te me hō krī mea mā me tohamre tu — hajýr.

⁹⁻¹⁰ Ne pom hapu na ipijakrut kôt ihtor ita te ri iħkrāhhia kam hūjarēn to:

— Por jūmjê apu ampo kēnti me, iħkrekà kīn, mācute mehkuctýj kam haprý nōr, nare, cute mehūhkra kam haprý nōr atajê, quê ha Pahpām te ame kam incryc xà pê iħhêj rūmcôxýhti ata to amehkôm. Por mehcunea te ame ita ton atajê, quê ha mehkàj xà atajê uu ne cuhy te kēn to ihprà ata kam me cumã hamre nare. Nekēn cacro ata, quê ha ihtýj Pahpām mā memprar catêjê me, Caràcahàcre Kra ata kam mare mā mehkà to cazàr to ihcuhhê.

¹¹ Ne pom quê ha cuhy ame cumã iħkàj xà to ita kūm, quê ha ihtýj hōtpê ma hàpir to ipa rohnýtti mā. Quê ha cute ame ampo kēnti me, iħkrekà kīn itajêmã, jū caxuw caxwa me amcro kam mehkàj xà itajê amji to ihpec nare. Ne hanea ne, por cute mehkuctýj kam ame haprý nōr atajê cunea mā, quê ha ita hane — hajýr.

Pahpām na mehkwȳ ihtýj me amji pupun xà kēanre kam ame ipa

¹² Quê ha Pahpām na mehkwȳ me, por me harkwa kampa, ne ampeaj kam Jeju to amji mā mehhimpej atajê, quê ha ihtýj me curê xwýn te ame to kēanre ata jàhpan xà na, mehkên mā me hàr name to amji japackre. Ne quê ha ihtýj me awcanã, ne cormã Pahpām me Jeju kôat me amji ton to me ipa.

¹³ Wa pea ite cōjkwa pīn jūm jōkre ita par, mā hūjarēn to:

— Ita na ca mehhôc he: “Pom quê ha cormã Pahhiti jâpên xà kam ame ty atajê quê ha ame hakry” — hajÿr. Mã Pahpãm Carô Pejti te me cumã hũjarên to:

— Ýhÿ, ita ampeaj kam ri. Hamre. Ita caxuw, quê ha ihtÿj me hâpên catêjê atajê ame kôt. Ampo na? Ramã me hâpên xà ita kôt me cumã ampo cunea — hajÿr.

Quê ha Pahpãm mehkwy to cuprô ne amji mã me huwahi

¹⁴ Wa irît, ne ite jũm pê me Pahhàkà cati pyrâcti, ne wakÿre prà tepti pê ôr te ihkrâhkà ne ihkrâ na ajêt ata pupun. Mã cute hũhkra to rôhkrÿt xwahhi pyrne ahcacrã jakati kam to jÿ.

¹⁵ Mã pea Pahpãm mã memprar catêjê nõ Pahpãm to amji kam hapac xà jũrkwa pîn cator, ne cute kÿj cati pêa mã ahcacrã jakati kam jÿ ata mã carârto:

— Gô rôhkrÿt to, pjê kam, me hũmre pê ihhêj rũm pur kam ramã ampo teptu, neramã ihkêhkên xàa na atajê, ca ha to hakep — hajÿr.

¹⁶ Jirô pê mã ri, por ahcacrã kam jÿ ata te pjê na hõ rôhkrÿt to ihtêm, ne cute to ampo cunea jakep xà atajê jakep partu.

Quê ha Pahpãm cute mehkên ton atajê to pîxô ne me hatê

¹⁷ Wa ite cõjkwa kam Pahpãm to amji kam me hapac xà jũrkwa pîn harkwa na imprar catê nõ cator na hõmpun, mã cator, ne hanea ne cumã hõ rôhkrÿt xwahhihti.

¹⁸ Jirô pê mã wa ite Pahpãm mã imprar catê cuhy toamji pytâr ata te Pahpãm jũrkwa pê cator

na hõmpun. Ne cute ihnõ mã rõhkrýt ata mã kýtj cati pëa mã caràr to:

— Ramã pĩxô pê uwa itajê cunea inteptu, gõ rõhkrýt to pjê kam pĩxô atajê cunea jakep partu — hajÿr.

¹⁹ Mã cute pjê na hõ rõhkrýt to ihtëm, ne cute to pĩxô atajê cunea jakep partu, ipàr pê. Ne cute Pahpãm te incryc to hipu xà pëihhêj rûm kwÿr jatên xà ata kam haxwÿr.

²⁰ Ne pê Pahpãm jõ kwÿr jatên xà ata krĩ pê ampÿa mã xa. Ne pê Pahpãm te incryc tohipu xà kam me pĩxô jatên kam me tẽ, ne pê pĩxô cacô ata pê me caprõne ajxwÿ. Ne ihtua to ihtu. Ne kàj mã ihtu na me pajara capô pyxit. Ne mõi jÿwry to cute 300 quirom.

15

Cute me pahcurê xwÿn carõ kên tohjê atajê Pahpãm to amji mãme amnã

¹ Ne hanea ne irĩt, ne ite cõjkwa kam ampo catia cupahti ata pupun, ne ite amji mã:

— Pÿhàpà ampo mã ajte? — hajÿr. He nee mã ampo nare, Pahpãm mã memprar catêjê te xet atajê te Pahpãm te pjê kam ame to kên xà atajê to me amji tÿj, ne me to xa. Atajê pê ri Pahpãm te amekam incryc xà cahhur kêanre atajê.

² Ne pea ite wit pê cõ catia pyrãcti me cuhy picacwÿr ata pupun. Ne hanea ne ite, por cute me cagãti kêanre ata me, carõ krekà atajê me, ampo kenti te me hũmrekam haprÿ nõr atajê tohjê catêjê pupun, mã me xa. Por wit pê cõ catia pyrãctiata cahê na ri me xa. Ne ame wakÿre

japàre atajê cakô, por Pahpãm te me cumã hŏr atajê.

³ Pê Mojxe xwÿ Pahpãm te mehkên pê meto cator xà na increr to ihkôt me ipacatêjê mã hahkre. Pê hanea ne Caràcahàcre Kra pê Jeju ata Pahpãm te mehkên pê me to cator xà na mehkÿ mã increr to hahkre. Mã me to increr to:

“Me ijŏ Inxũ Cati pê Pahhiti ata, ampeaj kam acarôt tÿj, ne ampeaj kam gápên xà itajê catyt kam ne impej.

Ne apê pjê cunea kam ampo krïxàrecunea jŏ Pahhiti,

ne ate amji mã ahimpej xà atajê, ampeaj kam ihcuhtac, ne ampeaj kam ri!

⁴ Ne jũm quê amji mã acupa nare?

Wa me icunea amji mã me acupa.

Ne jũm quêacati na amji mã garên nare?

Wa me icunea acati na amji mã me garên to me ipa.

Ampo na?

Quêt apÿxit peaj ne apê ajteare mã,

ne apeaj to apej,

ne nee akam ampo kên hamreare.

Quê ha krïxàre cunea awÿr me apkjê ne me cumã akĩn,

por ca mehcunea kam mare mã ampo to gápên xà cunea cuhtactiitajê to,

mã me hŏmpu,

na ri me awÿr me apkjê ne me cumã akĩn” hane.

Pahpãm mã memprar catêjê ampo kên te xet ne me to cator

⁵ Jirô pê mã, wa ite cōjkwa kam Pahpām to me amji kam hapac xà jūrkwā te amji jihê mēn na hōmpun, mã ampo kà te Pahpām jūrkwā caxwŷn ataxa.

⁶ Mã Pahpām mã memprar catêjê te xet atajê te ampo kên te xet atajê to me cator, Pahpām to me amji kamhapac xà jūrkwā pīn. Ne cupēhkà jakati prāti atajê to pīt mã cute amehkà, ne wakÿre prà tepti pê ôr ata te ri amehcahti na hê, mã ame to ihcuhhê.

⁷ Mã ampo tīr te cwat ne Pahpām pu na mehcuuhê atajê nō te Pahpām mã memprar catêjê te xet atajēmã wakÿre prāti pê ôr te cratti atajê jōr. Mã kam Pahpām te ame kam incryc xà te hipu partu, por Pahpām tīr rohnÿtti mã ata cryc te ri to hipu.

⁸ Mã cute Pahpām to me amji kam hapac xà jūrkwā ata kam, Pahpām carôt jàhcujrohtikam ihkūmti ata te to hipu tu, ne jū wÿr quē cormãne jūm cumã axà. Quē ha xa Pahpām mã memprar catêjê te xet atajê ampo kên itajê to ame hamre, quē ha ihtÿj jūm cormã cumã axà.

16

¹ Jirô pê mã, wa ite cute Pahpām to amji kam me hapac xà jūrkwā pīn, Pahpām mã memprar catêjê te xetatajê mã, jūm jōkre tÿjti jūjarēn xà te hajÿr ata na impar:

— Ca ha pjê kam me Pahpām cryc te cratti te xet to hipu atajê jaxwÿr to mō — hajÿr.

Mam ampo kêanre ata pê ri mehxêt kêanre

² Mã mam cati mã ita te pjê kam cratti pê Pahpãm te ame kam incryc ata jaxwÿr. Mã meh xêt kêanre te, por cute ame amji mã me ampo kên ti me, ihkreka jũpa ne to cati, mã cute me kamhaprÿ nõ atajê kam ihtêm, ne me cumã hàà to hà.

Hapu na ampo kên ata pê ri cõxwa te me caprô na amji ton

³ Mã hapu na ita te cõxwa kam cratti pê Pahpãm te ame kam incryc ata jaxwÿr. Mã hamrecõxwa te me caprô na amji ton ita pê ihhêj rũm jũm tyc caprô, ne pea cute cô kam ampo tĩr atajê cunea jipej.

Ampo kên crê ita te ri cô jatuj xà te caprô na amji ton

⁴ Mã incrê ita te cô jatuj xàa kam cratti pê Pahpãm te ame kam incrycata jaxwÿr. Mã pea cô te me caprô na amji ton.

⁵ Ne ite, por Pahpãm mã imprar catê te cô to amji pytâr ata te hũjarẽn xà te hajÿr na impar he:

— Apyxit peaj ne me hirôa pê apej! Caa pê ca mam akrĩ, ne cormã akrĩ rohnÿtti mã. Ne catyt kam ate meh cukij xà caxuw apeaj to apej.

⁶ Ampo na? Cute me akwÿ caprô jaxwÿr, ne hanea ne me cumã garkwa to meh cakôccatêjê caprô jaxwÿr, cwÿrjapê quê ha hahpan xà na ihtÿj me caprôa to me ikõ, naca ate me cumã me caprô ita jõr, quê ha ihtÿj me to ikõ — hajÿr na, ite impar.

⁷ Ne pea ite Pahpãm mã ampo kũm cuxwati to caxàr xà ata pĩn, jũm jŏkre jũjarĕn xà te hajÿr ita par, mã cute hũjarĕn to:

— Me ijŏ Inxũ Cati pê Pahhiti ata, ampeaj kam quĕt acarôt tÿj. Ca ate amehcukij ne me to ipicokjĕr xà ita caxuw, acaxwãm catia mã apej ne acuhtacti, ne ampeaj kam riaepeaj to apej — hajÿr.

Ampo kĕn te cwat ata pê ri pyt cacro te me to caxàr xà

⁸ Jirô pê mã ri cute cwat ita te pyt kam cratti pê Pahpãm te ame kam incryc ata jaxwÿr, ne cumã cuhy to cute me hũmre to caxàr na hũjahkre.

⁹ Mã cuhy te me to caxàr, mã cute ame Pahpãm japrÿ to ihcakôc to kĕanre to me hajÿr he:

— Akĕanre! Nãmhã, ne me ito kĕn ita jicu! — hajÿr. Ne nee cute amehkĕn itajĕ jicu nare, ne nee Pahpãm catihti ata to cumã mehcakôc nare.

Ampo kĕn te xĩc ata pê ri awcapàtkô me, me kàj xà

¹⁰ Mã cute xĩc ita te ampo kĕnti krĩ xà ata kam cratti pê Pahpãm te ame kam incryc ata jaxwÿr. Mã ampo kĕnti te ihhimpej xà atajĕ cunea kam awcapàtkô, na ri curi mehkrĩ catĕjĕ cunea kàj xà. Mã tee mehkàj xàhte ame ahkà cãmxa, por me haxôp atajĕ xàhte.

¹¹ Ne ame cŏjkwa jŏ Pahpãm mãn to kĕanre, ne nee ajte cormã cute me hŏ pry kĕn ata jicu nare ajte.

Ampo kĕn te xĕj ata pê ri me ipijapu xà catia

¹² Jirô pê mã ri cute xêj ita te còhti japry te Cômpejti ata kam crattipê Pahpãm te ame kam incryc ata jaxwÿr. Mã pea cô ata crà, ne ihcaypuw pry nõ, ihkôt pyt japôj xà pîn pahhi catêjê te me ipa, ne me hapôj xà na.

¹³ Wa ite ampo carõ kên crê pê pôrti pyracti, tũnti, kêanre atajê japôj na hõmpun. Mã pyxit ne cagãti ata jarkwa pîn cator, ne hanea neampo kênti ata jarkwa pîn pyxit ne cator, ne hanea ne cagãti jarkwa kôt mehhêj xi to mehcahôc catê ata jarkwa pîn pyxit ne cator.

¹⁴ Ne ampo carõ kên pê pôrti atajê pê jũ caxuw jũm xũmre te ampo pihhoti pupun nareatajê ton catêjê, ne ihtÿj to me higêc rê. Ne pom ampo carõ kên atajê pjê cunea kôt amehcahkũm, pahhi catêjê kôt, cute me to cuprõnprãmte. Mã hàhtôa ne cute me cuprõn, Pahpãm pê Pahhiti carôt tÿjti ata cuna mã me ipijapu prãmte, hõ amcro ata kam.

Pahpãm na mehkwy ihtÿj Jeju cator jikaj xà me cuprõ

¹⁵ Ýhÿ me ikwÿ, he pê Jeju me pamã amji cawpa to hane he:

— Me ikampa he, wa ha ajpên me awÿr itêm xà ita to ihhêj rũm me hàhkÿj xi prar xà! Ne por quê ha me ikampa atajê, me iriat na ame ipa. Quê ha mehkà to me amji cũmpej hiahpuro ne me hakryti to me ipa. Ampo na? Quê ha nee me hàhtôti atajê kam mare mã amehcacrô naamehpahãmti to me ipa nare — hane.

¹⁶ Jirô pê mã ri ampo carõ kên crê pê pôrti pyrác atajê te me cupê pahhi catêjêcunea to

cuprõn, por Epew catêjê jarkwa na pjê japry
teMequit jŏ kĕn ata ri.

Ampo kĕn te xet ata pê ri pjê jâhcujrõn catia

¹⁷ Mă cute xet ita te cratti pê Pahpãm te ame kam incryc ata jaxwÿr, kÿj pê. Mă pea Pahpãm to me amji kam hapac xà jÿrkwa kam ihkrĭ xà atapĭn, jÿm jŏkre tÿjti ata te hÿjarĕn to:

— Ramã cute amji jipêj! — hajÿr.

¹⁸ Mă ihcuxê, ne me hŏkre, ne hàhkrihkrit jàwrârâc, ne pjê jâhcujrõn catia to cati ata, por rÿ jÿ caxuw jÿm te pjê jâhcujrõn kĕanre pupun nare ata. Ne mam ihkwÿ atajê jirôa pê ihkĕanre.

¹⁹ Ne por krĭ catia ata te amji cahhêc to incrê, mă pjê cunea kam krĭ atajê cunea jamre. Mă Pahpãm te Papirõn jŏ krĭ kĕanre kam, cuteincryc to incryc na amji to amji japackre. Ne cute krĭ kam incryc jâprêhti ata mĕn.

²⁰ Mă cô jipôc ri amcrà atajê cunea jamre. Ne hanea ne hàhkà jakôtti atajê cunea jamre.

²¹ Mă ta te amji to kĕn ne me hÿmre kam apu ipijaxwÿr, ne cute ame to kĕanre, ne ta te kĕn atajê pytĭ na cute cwarĕnta quir. Mă pjê kam me hÿmre itajê cunea ame Pahpãm măn kĕanre, pê kĕn te taita ame to kĕanre, na pê.

17

Cute Pahpãm pynâr nare atajê pê cahãj xyre kĕanre ata pyràc

¹ Mă pea Pahpãm mă memprar catêjê te xet te cratti te xet cwÿr atajê nŏ ajpĕn iwÿr mŏ, ne cute imã hÿjarĕn to:

— Ajpên iwÿr mŏ, wa amã cute krĩ cati kēanre ata to cute amehkên xà ata jahkre, ne amã harĕ. Ỹhỹ, por cô jàhtôa cote na, krĩ catia xa ata pĕ ihhĕj rŭm pyjĕ nŏ inxyre kēanre pĕ impjĕ nare ata pyràac.

² Mã pjĕ cunea kam krĩ jo pahhi catĕjĕ cunea hỹrmã me pra, cute amji mã ame ampo kĩnti atajĕ wÿr. Ne cute me ampo kĩnti atajĕ pĕ ihhĕjrŭm jŭm cahãj xyre ata pyràac. Mã pjĕ cunea pĩn me hỹrmã me pra, ne kam ame ipa ata pĕ ri ihhĕj rŭm cuteame cô xyhti xen catĕjĕ te cô xyhti to pit mã ame amji japackre — hajÿr.

³ Mã pea Pahpãm Carŏ Pejti te imã amji jŏr, mã ma ahkĕt wÿr harkwa na imprar catĕ te ijaprŏr ne ito mŏ. Ne curia wa ite pyjĕ inxyre nŏ ata teampo kĕnti intepti ata kam hÿr na hŏmpun. Mã ampo kĕnti ata kam, cute me cumã haprÿkēanre pyxwÿr atajĕ na ihhŏc. Ne pĕ ampo kĕnti ata kam ihkrã xet, ne kam hĩpàr tej.

⁴ Pĕ hanea ne cahãj xyre kà ata inteap to intep, ne hakrŏ xà itajĕ to pĕ amji jakrŏ ne kam jÿ he. Wakÿre prà tepti pĕ ôr ata me, kĕn prà tepti na hĩ jàhwÿrti atame, ampo prà pĕ kĕn prà pyràcti ata me, pĕ to amji jakrŏ ne kam jÿ. Ne pĕ hũhkra kam wakÿre pràti pĕ ôr te ihkŏm xà kam me hàhtôa te me to inxÿ xà tŭm kēanre ata juwahi ne to jÿ, pom pĕ ajco mehcunea ajco me caxu ata to pĕ jÿ.

⁵ Ne ihkuctÿj kam cute amji jarĕn xà na, ihhŏc ata harĕn to:

— Ijapry pĕ Papirŏn jŏ krĩ catihti ata, ne ipĕ pjĕ kam pyjĕ inxyre catĕjĕ me, ahti na me hũmrea

te ame amji to inxy catêjê menxi — hajÿr.

⁶ Wa ite pyjê nõ ata pupun, mã cute Pahpãm na mehkwy me, por pê ampeaj kam Jeju kôt me amji ton to me ipa, pê ajco mehcura atajê caprô tocute amji to ipipãn tu. Wa ite hõmpun, mã cute imã ipikrar ne ijigęc hyr.

Pjê to mehhimpej catêjê pê ampo jàprê kêanre ata pyràc

⁷ Mã Pahpãm mã memprar catê ata te icukij ne imã:

— Ampo na mã cute amã ipikrar ne gigęc hyr, ca hũpate apu ato cara? Apu amji mã pa nare, wa ha amã cahãj ata me, ampo kënti kam ihkrã te xet ne kamhĩpàr te tej ata, wa ha amã kôt harẽn to impej.

⁸ Ne pom ca ampo kënti pupu ita, ihtĩar cormã, ne nee quê ha cama ihtĩr ata na ahtũm ry nare, quê ha hamre. Quê ha kreti jatõhhy nare ata pĩncator pê, quê ha Pahpãm to hamre. Ne por mehcunea te ampo kënti cator na me hõmpun ata te me cumã ipikrar, mã hũpate amento cara. Ampo na? Pêmam ampo kënti ata ihtĩar na apu ipa, ne ajte krã ihtyc, ne quê ha jũ caxuw hacpyã mã ihtĩr ne cato. Ne por mam, pjê jamre reria mã Pahpãm te amji mã hacpyãmã mehtĩr xà jŏ kàhhôc ata kam ramã me hapry nõr atajê ri, nee apu amji mã me hũpa nare. Ne mehkĩnte ihkàhhôc kam me hapry hikwa nare atajê, quê ha ampo kënti ata pupu, ne me cumã hũpaa to hũpa.

⁹ — Ne pom ite harẽn xà itajê, jũm krã kre te amji jahkre pejti quê ha ihtÿj kampa, ne

hahkre pej. Pom ampo kĕnti kră te xet itajê pê, por hàhkà jakôtti te xet mākam pyjê nŏ jŷ ata pyràac. Ne hanea ne cupê pahhi te xet atajê pyràac.

¹⁰ Ne ramã cute xĭc ne hamre, ne cormã pyxit ne ihhimpej, ne nee cormãihnŏ ata cator nare. Ne pom quê ha cormã pahhi cato ita, quê ha cato ne nee ahna ahtŭm ry nare, quê ha hamre.

¹¹ Ne pom mam ramã ampo kĕnti cator, ne ramã hamre ata te ri ihkwŷ itajê to ôjtô, ne taa mã quê hapu na ihkwŷ te xet itajê to ihhimpej, quê ha ihtŷj hamre.

¹² — Ne por hĭpàr te tej, ca ate hŏmpun atajê pê ihhêj rŭm pahhi te tej, ne nee rŷcute mehhimpej kam ihtĕm nare. Na quê ha cormã cute ampo kĕnti cahê namehhimpej to me amcro pyxit xà caxuw amji na me awpa.

¹³ Ne mehcuea te ramã me amji par, quê ha ihtŷj me ampo kĕnti ata mã cute me amji jahkre pej atajê gŏ, ne hanea ne cumã me carôt gŏ.

¹⁴ Ne quê ha ihtŷj Caràcahàcre Kra ata me, me amji cujtê, ne me ajpu, quêha pea Caràcahàcre Kra ita ihtŷj me hirô pê xa, ne me tohjê. Ampo na? Cupê me hŭmre jŏ Pahhiti, ne cupê pahhi cuea jŏ Pahhiti na ri. Ne por Pahpãm te amjimã me capi, mã ihkôat me amji kam hapac to me ipa atajê me, quê ha ampo kĕnti ata ajpu, ne pea me hirô pê xa, ne me tohjê — hajŷr.

¹⁵ Ne hipêr Pahpãm mã membrar catê te imã:

— Ne pom ca ate cô jàhtôa pupun, mã cahê na jŭm cahãj xyre jŷ atajê pê pjê cuea kam ampo kra me, krĭxàre me, me harkwa pihho catêjê.

¹⁶ Ne pom ca ate ampo kĕnti me, hĭpàr te tej pupun atajê, quê ha ma ame cahãj xyre ata caca, ne ame curê. Ne cupê cute ampo kĭn xà to amjijakrô atajê cunea to cupê ihpôj partu, ne mehcakrô to tojnô quê ha jÿ. Jirô pê mã quê ha ihtÿj me jŭm xyre ata jĭ ku, ne pea cuhy to me tocapa, ne me to acto, quê ha hamre.

¹⁷ Ampo na? Pahpãm te aracri pahhi atajê mã caxwãm pê me cumã me cute me to jŭ mãn xà atajê jôr, ne hanea ne cute caxuw me cumã carôtjôr. Ne hanea ne ampo kĕnti te me to ihhimpej xà caxuw cute cumã carôt jôr, mã ampo kĕnti ita ihtÿj cahãj ata to apu ihkĕanre toipa, Pahpãm te ahna harkwa hyr xà na.

¹⁸ Ne pom ca ate cahãj xyre pupun ita pê krĭ catia ata pyrác, mã cute amji wÿr pjê cunea jô pahhi to cuprôn, ne taa me to ihhimpej ata — hajÿr.

18

Cute Pahpãm pynâr nare atajê, quê ha me hamre

¹ Jirô pê mã wa ite còjkwa pĭn Pahpãm jarkwa na memprar catê nŏ pupun, mã ajpĕn ahpar mã tĕ. Por Pahpãm carôt tÿjti ata jarkwakôt, ajpĕn ahpar mã tĕ. Ne ampeaj kam ihprà, ne ihprà jàhcujro ita te pjê cunea kujro.

² Mã kÿj cati pĕa mã cute caràr to:

— Papirôn jô krĭ catia ata pÿm! Ne ita caxuw quê ha mepahcurê xwÿn pit kam apu ipa, ampo carô kĕn tŭmti atajê me. Quê ha ihtÿj xŏnti me,

ampo jara kêanre, kĭn nare atajê me, quê ha hanea ne kam amji to ajpa.

³ Ampo na? Cute me hũmre cunea mã hõ côxýhti jŏr, ne ihtýj hõ côxýhti ita na mehkwy mã quêt to ipa, ita pê ihhêj rũm cute me cahãj xyre to amenxyto ame ipa pyràac. Mã pjê jŏ pahhi catêjê cunea te ramã amehcaxun par, mãcute ame ampo to ihpore na hàhpan catêjê cunea te amehcaxun xà ita jahpan xàna, ramã amji to ame hakràj par — hajýr.

⁴ Ne hanea ne ite côjkwa pĭn jũm jŏkre ita par, mã cute hũjarĕn to:

“Me ikwý, krĭ ita pê me acato,
cupê me acato!

Nee ca cuxà ame ampo kĕn itajê kwý ton nare.
Ne nee ca ihkĕn ita mã ihkôt me axàr nare!

⁵ Ampo na?

He ihkĕn ita ramã amji jipy hakôat to hakôt,
ne ramã cute côjkwa huctu.

Ne Pahpãm ihtýj cute ihkĕn ton xà ata to amji
japackre.

⁶ Ne cute me amã ampo kêanre jŏr atajê jahpan
xà na hacpýa mã,

me cumãme ampo kêanre atajêa gŏ.

Ne cute me amã ampo kêanre ton atajê jahpan
xà na,

ca ha me cumã gàmjŏr to catia to ajkrut.

Ne cute me ato kĕn prãmte ihkŏm xà kam me
amã côxýhti to hipu jahpan xà na,

ca ha ihkŏmxà ata kam me cumã to hipu to
ajkrut,

cute me amã ihkôm xà kam ton atajê jirôa pê
hacpỹ mã me cumã to.

⁷ Me cumã amji kîn nare to,
ne hanea ne me cumã ihkên xà kêanre to, ne me
cumã agõ.

Ampo na?

Pê ramã taa amji mã ampo pejti jàhtôa ne cugõ.
Atajê kôt ri mehcunea ramã amji mã hakràj cati
na me harê.

Mã taa amji to hàmnãn to:

“ ‘Wa ipê pahhikwỳj ne ijỹr xà ita kam jỹ!

Ne nee mã ipijapit nare,

ne nee waha jũ caxuw amji na ihkên xà nõ
pupun nare’ hane.

⁸ Cwỳrjapê quê ha amcro nõ pyxít,

quê ha hỹrmã ampo kên kwỳ cato,

ne apu to kêanre ne.

Quê ha cumã ampo hà,

quê ha ihtỳj ihkàj xà na amjipupu,

ne ampeaj kam cumã prãm.

Quê ha cama cuhy kam me to capa.

Ampo na?

Pom me pajõ Pahpãm pê Pahhiti carôt tỳjti ata
quê ha ihcukij ne apu to kêanre ne” hajỹr.

Pjê kam me hakràj jamre japête ri ame amrã

⁹ Ne pjê jõ pahhi catêjê atajê te ame cahãj xyre
to amenxy atajê me, menxỳ xà kêanre atajê, quê
ha krĩ pê me cahãj xyre pyrác ata kam cuhykũm
pupu, ne ihtỳj ame caràr ne ame amrã.

¹⁰ Ne pea ampÿa mã cupê amehcuhhê, mehkên mã hàr ne cute me amji pupun xà kêanre to me amji pupun cupate, ne me ajpĕn mã:

— Akÿ, akÿ, Papirôn jŏ krĭ catia carôt tÿjti ata, ca ajte amcro pyxit peaj kam akên mã axàr ne gamre pyrentu — hajÿr.

¹¹ Ne pjê cunea kam me cupê ihpore na ampo to hàhpan atajê hanea ne hapête ame amrã. Ampo na? Jÿ wÿr quê ha jÿm hipêr me cumã ihpore na cute me cumã ampo to hàhpan xà atajê nŏ japrô.

¹²⁻¹³ Jÿ wÿr quê ha hipêr jÿm mecupê ampo pejti itajê nŏ japrô he: Wakÿre prà tepti pê ôr me, wakÿre prà jakare me, kĕn pejti na hĭ ahwÿ atajê me, caxàt xê pejti me, cupĕhkà intepti me, cupĕhkà hĕrhĕtre me, carà cahàcre hô te cupĕhkà intepti ata me, pĭ na tee amehcukij ata me, ampo jĭpàr jakare impejti atajê me, pĭ na hĭ ahwÿ ata me, wakÿre cahhyr na impejti ata me, wakÿre me, kĕn jaka pejre me, ampo pĭ kà te me hÿrkwa cuxwa xà me, ampo pĭhhôc pê rà m cuxwa pyràcti me, ampo cacô cuxwati atajê me, pĭxô cacô xÿre me, ampo to impê xà me, kwÿr xôm me, arÿjhy me, pryti me, carà cahàcre hôhti me, cawrô me, cawrô jŏ kujti me, me pahcaxwÿn me, me hÿmre me, me cahĭj te cama cumã hàpĕn xà itajê nŏ to ihpore na me ahpà.

¹⁴⁻¹⁵ Ne me cupê ampo to me hàhpan catêjê atajê, ampÿa mã amehcuhhê, mehkên mã me hàr xà ata cupate, ne ame caràr ne me amrã, ne cama krĭ ata mã me:

— Por pê ca ampo pejti na ajco mehprãm atajê jamre, ne hamre, ca gŏtpê apictor! Ne hanea ne gakràj itajê cunea to apictor! Pom kĕn pràti itajême, wakÿre pràti pê ca ajco to amji jakrô atajê me. Ne hamre, jũ wÿr ca hipêr me cumã acato. Pê wa ajco ampo to me ijàhpan kam, wa rÿ ame ijakràj.

¹⁶ Akÿ, akÿ, por krĭ cati ata! Ate cupĕhkà increcrti to akà ata, cupĕhkà tepti me irârãti ata, me hakrô xà cunea pràti pejti atajê me.

¹⁷ Ajte ana amcro pyxit peaj mã ajte ihcunea na gamre, me gakràj mea mã! — hane. Mã pàr kre jŏ pahhi catêjê cunea me, kam me ipa itajê cunea me, cŏxwa kamcute amji to me ipijapar xà caxuw kam me hàpĕn catêjê me, ampÿare mã ajte cupĕ me xa.

¹⁸ Ne cute mehkrĭ kũm jàpir to mŏr na me hŏmpun, ne ame caràr to:

— Wa rÿ jũ caxuw ite krĭ jakràjti nŏ te hajÿr pupun nare — hajÿr.

¹⁹ Ne pea me cumã amji kĭn nare na cute me amji jarĕn xà na, cute meamji krã jipro, pjê jacrô to, ne amencwÿr to:

— Akÿ, akÿ, krĭ cati ata! Gakràj te ri, por cŏxwa kam mehcunea mã pàr kre atajê cunea to hakràj par. Ne ajte ahna ahtũm nare mãca ajte ihcunea na apictor, ne amcro pyxit kam ihcunea nagamre! — hajÿr.

²⁰ Hŏhŏ, ite impar ne hŏmpun to hajÿr. Na wa ite ijarkwa to:

— Cŏjkwa kam me acunea ame gakry! Krĭ ata jamre pyrĕn, ca ame gakry! Meapê Pahpãm na mehkwy me, me apê Pahpãm mã me cumã

acakôc catêjê me, ca Pahpãm jarkwa kôt me apa catêjê me, ca ame gakry! Ampo na? Nee mã ampo na nare, pom pê krĩ ita pê ame ato kêanre itajêa to ri me Pahpãm tehahpan xà na apu to kêan to kêanre — hajÿr.

²¹ Mã pea Pahpãm mã memprar catêjê nŏ, carôt tÿjti ata te kën catia nŏ ata jarĩ ne cŏxwa kam to hũcapêr, ne ihkôt me cumã harên to:

— Hŏhŏ, quê ha me apê Papirŏn jŏ krĩ kam me akrĩcatêjê mencryac kam me to hũcapêr to mehanea, pom quê ite kën to ijũcapêr he, quê ha jũ caxuw hipêr me apupun nare.

²² Ne nee jũ caxuw akam, cute me wakÿre japàre cakôr catêjê nŏ jŏkre kam me hapac nare, ne nee akam, cute me pohhê cakôr catêjê nŏ jàkôrjŏkre kam me hapac nare, ne nee akam hipêr me hàkôr catêjê nŏ jŏkre kam me hapac nare. Ne quê ha jũ caxuw cute me ampo cunea to hàpên jahkre pej atajênŏ, akam hàpên xà nŏ mã cator nare. Ne nee me akam arÿjhy huc nŏ jàhkrihkrit nŏ kam me hapac nare.

²³ Quê ha jũ caxuw hipêr akam hàhcujro xà nŏ, jàhcujro nŏ na me hŏmpun nare. Ne nee akam, por me hũmre me pyjê nŏ jikwa tuw to me amji mãmehcakôc atajê nŏ jŏkre kam me hapac nare. Ne akam ampo to me hàhpan catêjê atajê, pjê cunea kam mehkwy jirŏa pê me carôt tÿj. Ne me gũxyto ajco pjê cunea kam mehcunea mã ahêj to apa.

²⁴ — Papirŏn jŏ krĩ catia to cati ata, ca akên xà catia mã axàr. Ampo na? Cute akam me Pahpãm na mehkwy caprô me, Pahpãm jarkwa to mehcakôc catêjêcaprô me, Pahpãm kôt me

amji ton to me ipa catêjê caprô mã me cator. Por ate me hipej atajê caprô mã ri, cute me cumã cator. Ýhỹ, ne hanea ne, pom cute pjêcunea kam amehcuran itajê caprô mea mã cute me cumã cator, cwýrjapê ri cute ihcunea to ajkam mehpým — hajỹr.

19

Côjkwa kam Pahpãm na mehkwy amji mã me to amnã

¹ Ita jirô pê mã, wa ite côjkwa kam me hàhtôa jŏkre par, mã me harkwaxa, ne cute amji mã me hũjarĕn to:

— Cu ha Pahpãm catihti mempejti na me harĕ! Ne cupêa ri quĕt me pahcunea kĕnpê me pahto hapôj catê! Ne mehcunea mã, pjê cunea kam, impejti na me hahkre pej! Ne quĕt mehcunea jirôa pê carôt tỳaj to carôt tỳj!

² Ne cute me hahkre pej xàa na ri mehcukij ne meto ajcokjê, cajrerti cuhtacti to hãn nemehcukij, nee mã ihtỳj ame to ipicokjĕr nare. Ne cutea ri krĩ ata pê cahãj xyre inxỳ xà kĕanre ata cwýrjapê ihkĕn xà kĕanre ata mã mĕn, pjê cunea kam inxỳ xà kĕanre atajê cwýrjapê. Ne hanea ne Pahpãm te apu to kĕanre, cute cumã me hàpĕn catêjê curan jahpan xà na.

³ — Cu ha Pahpãm pejti catihti na me harĕ. Ampo na? Quê ha krĩ pôc ita kũm ihtỳj hŏtpĕ hàpir to ipa, ne nee hamre nare! — hajỹr.

⁴ Mã pahhi catêjê te me winticwat atajê me, cute me cwat atajê me, Pahpãmhỹr xà kam jỹ ata

cuna mãmehkôn krã na me hÿr, ne cute me amji mã me hÿpa ne to cati prãmte, cumã harkwa to:

— Ampeaj kam ri! Apê me Ijō Inxū Cati! — hajÿr.

Jeju pê Caràcahàcre Kra ata jikwa tuw xà

⁵ Mã pea Pahpãm krĩ xà ata pĩn jũm ita jarkwa cator, ne cute hÿjarĕn to:

— Me pajō Inxū Cati pê Pahpãm catihti na ca me harĕ! Me apê cumã me gápĕn catĕjĕcunea, me hũmre kà me, mehkryjre me, por ca mea-cunea amji mã me hÿpahti atajĕ, ca ha catihti na me harĕ! — hajÿr.

⁶ Ne pea ite me hàhtōa jarkwa xãm̄ti pê ihhĕj rũm cōhxocti jàhkrihkrit me, pahhàjĕ jàhkrihkrit pyràcti ata kam ijapac, mã cute me hÿjarĕn to:

— Pahpãm mã ca me catihti to me acakôc. Ampo na? Me pajō Inxū Cati pê Pahpãmpĕ Pahhiti ita ri mehcunea jirōa pê carôt tÿj, ata ri pjĕ cunea to ihhimpej.

⁷ Ne ampeaj kam me pajakry ita mã amji kĩn, ne me pajakrya to me pajakry, cwÿrjapĕ wa catihti na amji mã me harĕ. Ampo na? He ramã CaràcahàcreKra jikwa tuw xà jō amji kĭan kam ri hàhhuc, ne hōamcroa mã he. Ne hĭxi me hikwa xà caxuw cute me ajpĕn par, ne cute amji cũmpej xàa kamri ramã hàhhuc.

⁸ Ne ramã cute ihkà jakati, tũm nare, pràti ata pyr, cute to ihkà xà caxuw, ne ihkà jakati impejti ata pê Jeju na mehkwy te ampo pejti ton to meipa xà — hajÿr.

⁹ Jirō pê mã ri cute imã hÿjarĕn to:

— Ita na ca ihhòc he: “Por Caràcahàcre Kra pê Jejujikwa tuw xà jŏ amji kĭn wÿr cute me hatoratajê, me hakrya to me hakry”. Nãmri itajê pê ri quêt caxwãm catia mã Pahpãm cakòc xà impejti atajê, na ca ha ahna ihhòc — hajÿr.

¹⁰ Wa pea Pahpãm jarkwa na imprar catê cuna mã ikŏn krã na ijÿr, ite amji mã hÿpa ne to cati prãmte, mã cute amji tète imã harkwa to:

— Apu ito hajÿr nare, ipê me akjêjê kwÿa nŏ wa. Ne hanea ne ipê, por Jeju jarkwa to me amji mã mehhimpej to me ipa atajê kwÿ nŏa wa. Pom me kamJeju jarkwa itajêa ri me to ihhimpej to ipa. Na ca ha quêt apu Pahpãm pit kĭn — hajÿr.

Quê ha Jeju ajpên tē ne curê xwÿn catêjê to hamre

Ruc 21.25-28; 2 Texarŏn 1.6-10

¹¹ Jirô pê mã, wa ite còjkwa te amji jihê mĕn na hŏmpun, mã pea cawrô jakati ita cator. Mã kam hÿr catê ata japrÿ te CaxwãmCatia Mã Cute Amji Jarkwa Par Catê. Ne catyt kam hãn ne ajpu, ne cute ampo na me hŏmpun xà atajêa kôt hãn nemehcukij ne me to ipicokjêr to ihcuhê.

¹² Ne into pê ihhêj rŭm cuhy pòc hire ata pyràac, ne ampeaj kam ihkrã kam cumã ihkrãhkà jàhtô. Ne por haprÿ na kam ihhòc ata ri, nee jŭmmã iràn xà na hahkre pej nare, ne cumãa ri hahkre pej.

¹³ Ne ampeaj kam ihkàhti ata na me caprô. Mã cute amji mã haprÿ to: “Pahpãm Jarkwa” hajÿr.

¹⁴ Mã ma còjkwa jŏkrãhtare te ihkà jakati impejti me, hŏ cawrô jakatiata to me hŭnãr.

15 Ne pê harkwa kam wapo xwahhihti ata xa, ne ajco hapôj, ne toa pê ajcoampo kra me, krîxàre cunea to kêanre to ipa, ne ajco me tohjê! Ne por wakÿrete pî cajrer pahtÿjti ata to, quê ha me to ihhimpej to mŏ. Ne pea Pahpâm carôt tÿjti ata te incryc to cuprŏn xà pê kwÿr jatên xà ata kam, quêha cute mehcuran atajê cunea caprô jaxwÿ. Por me caprô pê ampo cacôxÿre intepti ata, quê ha kam haxwÿ ne cormã hatê.

16 Ne pê ihkàhti me, ihkjê kam ihhŏc ata harên to: “Pahhi Catêjê Jŏ Pahhiti, Ne Me To Ihhimpej Catêjê To Ihhimpej Catê”.

Pryjara te mehtyc kur atajê mehtyc jàhtôa pyrên hakry

17 Ne hanea ne, pom Pahpâm jarkwa na imprar catê pyt kam xa ata te cŏjkwa kam xŏnti me, ampo jara cunea mã kÿj cati pêa mã hàkjêr to:

— Ajpên me cuprŏ! Pahpâm te me amã me gŏ jŏr xà atajê wÿr!

18 Ajpên ame pra, ne ame cupê pahhi catêjê jÿ ku, ne ame krãhtare jŏ pahhi jÿ ku, ne ame krãhtare jÿ ku, ne ame cawrô me, kam ihkrÿ catêjêjÿ ku, ne ame hÿmre me, cama ame hàpên catêjê jÿ ku, hŏ pahhi jÿ mea mã, ne ame hakràj jÿ ku, ne ame cupê hamreare atajê jÿ ku — hajÿr.

Jeju te me pahcurê xwÿn pê ampo kên jàprê pyrác ata tohjê

19 Jirô pê mã, wa ite ampo kênti ata pupun, ne hanea ne pjê jŏ pahhi catêjê pupun, mã cute me hŏ krãhtare to me cuprŏn, ne me to xa, cute, porcawrô jakati kam jÿ ata me hŏ krãhtare cuna mã me hàprê prãmte.

²⁰ Ne pea cute me ampo kēnti ita kam ihtēm, ne mehpro, ne hanea ne cute ampo cunea to me cumã ihhêj xi to ipa catê kêanre ata pro, ne ajwar cute me haxàr. Nāmri taa mã pê ajco, por amji mã me hūpa, mã cute me kuctýj kam haprý nŏr atajê mã ihhêj xi toipa. Cwýrjapê ri cute ampo kēnti ata me, cute harkwa na me cumãihhêj xi catê ata me, ajwar cuhy pôc te amji to kwa, ne kam kēn te me to caxàr xà ata kam, cute mehtīar na me to hūcapêr. Mã curia mehkrī rohnýtti mã.

²¹ Ne por cawrô jakati kam jý ata jarkwa pīn, wapo xwahhihti hapôj ata te ampo kēnti jŏ krãhtare cunea jipej. Mã pea cute me ampo jara cuneamã me hàkjêr itajê te ame hī to harte partu.

20

Pê Xatanaj huwapre ita na ahna caku mir Ipipĕn Xà 5.9-10

¹ Wa pea ite cŏjkwa pīn Pahpām jarkwa na memprar catê nŏ ata pupun, mã ajpĕn ahpar mã tē. Ne hūhkra kam cumã kre jatôhhy nare jihêrĕn xà ata, me wakýti pytīti te mehcajpre xà ata to ajpĕn ihtēm na, ite hŏmpun.

² Mã pea iwrýc, pê cute cagãti ata pro, ne por cagãti ata pê Xatanaj pê mam cati mã mepahcunea curê xwýn ata. Mã cute ihpro, ne pea huwapre, quê ha huwapre ita na amji to caku to mir.

³ Ne cute kre jatôhhy nare ata kam mĕn. Ne pea hihê xà to ihpro ne ahnato hihê. Cute cator ne ampo krīxàrĕ kwý cunea mã apu ihhêj to ipa to caku to mir ita mã hahêr cupate ri, cute

haxàr. Ne quê ha ihcuhhê, quê haxa caku to mir ita hamre, jirô pê mã, quê ha cormã me cumã hikran to incirre ne.

Quê ha Jeju pjê kam mehrĩ atajê cunea to ihmpej to caku to mir

⁴ Wa ite pahhi krĩ xà atajê pupun, ne kam mehrĩ catêjê pupun, mã kam mehrĩ. Ne por mehrĩ atajêa te ri mehcukij catêjê na amji caxuwme hũpar. Ne hanea ne ite Jeju to cute amji mã mehhimpej to me ipa, ne Pahpãm jarkwa to mehcakôc to me ipa, mã cute incwÿrjapê mehrã jakep catêjêatajê caxwÿn pupun. Ne por ite me hõmpun atajê, pê nee ame ampo kênti ata me ihkrekà ata amji mã me hũpa nare, mã nee mehkuctÿj kam me haprÿ nare, ne nee me hũhkrakam haprÿ nare. Cwÿrjapê ri hacpÿa mã amehĩr, ne pea Jeju cahê na cutemehhimpej to caku to mir ita jicu xà mã me hahêr.

⁵ Ne mehtyc atajê cahhur, nee hacpÿ mã amehĩr nare, quê ha xa caku te mir atajê hamre, jirô pê quê ha cormã mehcukijxà caxuw hacpÿ mã amehĩr.

⁶ Ne pom mam mehtĩr xà kam amehĩr atajê, me hakrya to ame hakry. Ampo na? Quê ha Pahpãm quêt me to kênre nare, quê ha hipêr amehitycnare. Ne quêt me cupê Pahpãm tehcajpar catêjê, ne me cupê Jeju cahê namehhimpej catêjê, ne mehhimpej ita to me caku te mir ita jicu xà mã me to hahê.

Quê ha Xatanaj mã me hê pôn cri

⁷ Ne caku te mir ata jamre jirô pê mã, quê ha me Xatanaj cator, ihcuhhê xà pê kre jatôhhy ata pê.

⁸ Quê ha ma Coc jŏ pjê me, Macoc jŏ pjê kam, krĩ cunea apu ihcuhhê atajê kôthapôj to ipa, ne mehcunea mã ihhêj to ipa. Ne cute me cumã ihhêj ita toquê ha me hàhtôa ne me haprô, ne me to cuprô. Quê ha me hàhtô pê ihhêj rŭm pjênxôm carôt jàhtô, me hàprê xà caxuw.

⁹ Ne ma mehcahkŭm to me ipa. Ne cute me Pahpãm na mehkwy jŏ krĩ pê cumã Krĩpinkrên kĩnti ata krã, cute me hipecj prãmte. Mã côjkwa pĩn cuhy cator, ne cute mehcunea jipej tu.

Cuhy catia mã cute Xatanaj mên xà

¹⁰ Ne pea cute me Xatanaj pro, ne cuhy te amji to kwa ata kam me to hŭcapêr, por pê ramã kam me ampo kēnti me harkwa na me cumã ihhêj catêto me awcapê ata kam. Ne hamre, quê ha caxwa me amcro cunea kam, jŭ caxuw me cumã mehkàj xà atajê me cumã amji to pec nare, quê ha mehkàj xà itame cumã hà rohnýtti mã.

Quê ha Pahpãm mempej japê mehkôpĩ Jowãw 5.25-29

¹¹ Ne wa ite Pahhi krĩ xà jakati ata pupun, ne hanea ne kam hŭr catê ata pupun, mã kam jŷ. Mã xà cuna mã pjê me côjkwa xa, wa ite hŏmpun, mãkrãa, jŭ kam hŭpate ajwar ipictor. Ne nee jŭm te hipêr hŏmpun nare.

¹²⁻¹³ Ne hanea ne ite me hàmkrà me, me hàmkrànare catêjê tyc pupun. Mã côxwa te me ipĩr catêjê atajê jĩ cunea curia hanea ne me xa. Mã hanea ne pjê cunea kam cute ame harêt atajê

jĩ, curi mexa. Mã pea me hÿrmã me carõ japôj par, ne hacpÿa mã cute ame hĩ tÿj par, mã me xa. Ne Pahhi ihkrĩ xà kam jÿ ata cuna mã mehcunea me xa. Mã peacute ihkàhhôc atajê pahe, ne hipêr ihnô pahe, por kam me haprÿ hikwa atajê tohacpÿa mã ihtĩr xà caxuw. Ne me cumã ampii, ne ramã ihkàhhôc atajê kam ihhôc ata kôt cute ame ampo tonxà atajêa na, ahpÿanre na cute mehcukij par.

Quê ha cuhy catia mã mehkên rē

¹⁴⁻¹⁵ Ne por hacpÿa mã mehtĩr xà jŏ kàhhôc kam me haprÿ nare atajê to ri, cute cuhy te amji to kwa kam, cute me to caxàr xà ata kam, mehĩ me, me carõ meamã, cute me to hũcapêr. Ne mehtyc catêjê jŏ pahhi me, mehkrĩ xà mea mã cuhy te amji to kwa kam, cute me to hũcapêr. Ne pom cuhy te amji to kwaata pê ri mehtyc jirô pê hipêr mehcuran xà. Ne ikam mare mã cute me to hajÿr, wa ite me ahna hõmpun.

21

Quê ha cõjkwa tuw me pjê tuw kam ampo pej pit

2 Petrô 3.8-13

¹ Ne pea ite cõjkwa tuw me, pjê tuw te amji to ipipê na hõmpun. Ne mamcõjkwa ata me, pjê ata me, cõxwa mea mã hamre ne hamre tu.

² Wa pea ite Krĩpinkrên pejti tuwti ata pupun, mã Pahpãm pĩn ahpar mãmô, ata pê ihhêj rũm jũm cuprÿ te impjên me hikwa xàcaxuw, me ajpên cajpar to me mõr.

³ Wa pea ite ihkrĩ xà ata pĩn jũm jŏkre tỳjti jũjarĕn xà te hajỳrata na impar, mã cute hũjarĕn to:

— Ita caxuw me hũmre cahi na Pahpãm krĩ xà. Ne Pahpãm ita quĕ ha me cahi na ihkrĩ, ne taaamji to me Hũm Cati. Quĕ ha hanea ne amji to mehkwy neamji cahi na amehkrĩ, quĕ ha Pahpãm ata amji to me hŏ Pahpãm.

⁴ Ne taa mehcunea mã mehkuc na mento cacŏ incrà. Quĕ ha pea hipĕr jũ caxuw mehtyc xà nare, ne nee me cumã amji kĩn nare nare, ne nee hipĕramencwỳr xà hamreare, ne nee hipĕr amehkaj xànŏ me cumã hamreare. Ampo na? Maramã mam ampo wej itajĕ cunea ma tĕ, ne ramã ampo tuw cator xàa kam — hajỳr.

⁵ Ne por hỳr xà kam jỹ ata te ri me cumã harkwa to:

— Wa ha ita caxuw ampo tuw ton partu — hajỳr. Ne cute imã harkwa to:

— Atỳj amji mã ijarkwa itajĕ to hane, nãmri wa ha itỳj ihcunea ton pa, na ca ha ahna ihhŏc partu.

⁶ — Ne ramã ampo atajĕ cunea te amji jipĕj partu. Ne ipĕ pjĕ kat me hihŏt jŏ Pahhiti, ne ipĕ cumã kat kam ampo cunea jŏ Pahhiti, ne ipĕ hicu xàakam ampo itajĕ cunea jŏ Pahhiti. Ne por jũm mã kŏr ata, wa ha cama cumã mehtĩr rohnỳtti mã xà jŏ cŏ ata kwỳ, quĕ ha to ikŏ, ne nee hipĕrcumã kŏr nare, ne nee hipĕr ihtyc xà nare, ne nee quĕ ha hahpan xà na imã hãmjŏr nare.

⁷ Ne por quĕ ha me ampo kĕn cunea tohĕ atajĕ, to wa ha amji kra, ne pa amji to me Hũm Cati.

⁸ Ne por amji mã ame ampo cupa to me ipa atajê me, mehwý ihkên mã meirên to me ipa atajê me, ampeaj kam amji mã me ito Pahpãm nare atajê me, mehwý curan to me ipa atajê me, ahti na me pyjê caxun atajê me, me hũxy xi catêjê atajê me, cute amji mã ame hũm cahàc carõ kên kĩn to ipacatêjê me, mehhêj xi catêjê cunea, krĩ xà ri cuhy te amji to kwa, ne kam kên te me to caxàr xà cacrohti ata, quê ha hipêr amehcura — hajÿr.

Pahpãm na mehwý impej pê Krĩpinkrên tuw pejti pyràc

Carati 4.26

⁹ Mã pea Pahpãm mã memprar catêjê te xet atajê nõ te hapua na cratti pê Pahpãm cryc jaxwÿr ata ajpên iwÿr mō, ne cute imã hũjarên to:

— Ajpên ikôt mō, wa amã Caràcahàcre Kra me hĩxi jikwa tuw xà jahkre, ca hõmpu — hajÿr.

¹⁰ Mã Pahpãm Carõ Pejti ata te imã amji jõr, mã macumã imprar catê te ijaprôr ne ito mō, ne pea cutehahkà jakôtti nõ kàa to ihkà ata naixãm. Ne cute imã Krĩpinkrên pejti tuwti ata jahkre, wa ite hõmpun, mã Pahpãm pĩn cõjkwapĩn ajpên iwÿrc to mō.

¹¹ Ne ampeaj kam Pahpãm pejti jàhcujrohti ata te to ihpràa to, to ihprà. Pê krĩ ita prà pê ihhêj rũm kên prà tetetti ata.

¹² Ne ampeaj kam intête kwÿc ata ihkà, ne harkwa jàhtô na cute tōxi, nehamãr xà na Pahpãm mã memprar catêjê te tōxi ne ahna amehcuhhê. Ne harkwa atajê kam Ixaher kra te tōxi japyr na ihhòc.

¹³ Ne pê harkwa itajê amji jĩkjê na ahpÿanre na incrê pa, ne pyt japôjxà rŭm incrê, ne hanea ne pyt cjêj xà rŭm incrê, ne hanea ne ita rŭmitajê incrê, ne hanea ne hĩkjê rŭm itajê incrê.

¹⁴ Ne krĩ tète kwÿc ata pê kēnte tôxi atajê jipy me to kwÿc, ne kamCaràcahàcre Kra jarkwa na memprar catêjê japry te tôxi ne hikwa.

Krĩpinkrên tuw ata kam ihtÿj me hàhtôa ne mehkrĩ xà

¹⁵ Ne pom pê Pahpãm mã imprar catê imã ihcakôc ata jŭhkra kam pê cumã wakÿre pràti pê ôr te pĩhhêre ata. Pê cupy ne to xa, cute to krĩ me, intête kwÿc me, harkwa to ipipĕn xà caxuw.

¹⁶ Pê krĩ ata hakep pejti itajêa apu ihkrã, ne ajpĕn pit. Ihcahpa na ihpo me, ihcajpuw ihpo me, hĩpê na ihpo me, kàj mã ihpo me, ihcunea ajpĕn pit, nenee ihnõ te ajpĕn jĩkjê nare. Mã pea cute hõ pĩ cajrer ata to to ipipĕn, mã ihpo te quirom te mir pijakrut ne ihkôt xěj pijakrut.

¹⁷ Ne hanea ne cute ipu na kwÿc ata tic to ipipĕn. Mã ihtic na pajara capô te xĩncwĕnta.

Krĩpinkrên tuw ata peaj to impej

¹⁸ Ne krĩ pu na kwÿcata, pê kĕn pràti japôc mã apĕ tetetti ata pitintête kwÿc. Ne krĩ ata, pê ôr te wakÿre prà tepti ata to pit mã me krĩata xãm, ne pê ihprà pê ihhĕj rŭm irĩt xà prà.

¹⁹ Ne krĩ mã cuhhê xàkat ata pê ahpÿanre na ajpĕn jipy, kĕn prà pihhopejti itajê to pit mã me to he. Ne mam ita pê ihprà jakati, ne incwÿrpĕ ita pê ihprà ihkukŭmti, ne ihnõ ita pê ihprà irãrã ahhoti, ne ihnõ ita pê ihprà ihkukŭm tycti.

20 Ne ihnõ ita pê ihprà ihtatapti, ne ihnõ ita pê ihprà intep rãrãti, ne ihnõ ita pê ihprà ihkukũm tatapti, ne ihnõ ita pê ihpràihkukũm jiprove, ne ihnõ ita pê ihprà ihkukũm tatapre, ne ihnõ ita pê ihprà ihkukũm jakati, ne ihnõ ita pê ihprà ihkukũm jiwryincoti, ne ihnõ ita pê ihprà ihkukũm jiwry jiproti.

21 Ne pê kĕn prà jaka jajoti te tŏxi atajĕ kam, ahpÿanre na harkwa partu. Ne krĭ jŏ krĭ cape ata, pĕwakÿre pràti pê ôr japôc mã apĕhti pê wit pyràc ata to pit mã mehkrĭ cape ata to.

22 Ne pê wa tee krĭ ata kam Pahpãm to me amji kam me hapac xà jũrkwa japĕ, ne nee ihnõ pupun nare. Ampo na? Me pajŏ Pahhiti pê Pahpãm mehirôa pê carôt tÿj ata me, ikra pê Caràcahàcre Kra ata pê ri krĭata cunea kam me Pahpãm to amji kam hapac xà.

Pahpãm jàhcujrohti te Krĭpinkrĕn tuw kujro

23 Mã nee krĭ ata amji kujro xà caxuw pyt me putwry na prãm nare. Ampo na? Nee mã ampo na nare, Pahpãm pejti jàhcujro xà ata ri ihcujro, neCaràcahàcre Kra ata pê ri hanea ne hàhcujro xà.

24 Quĕ ha pjĕ kam mehcunea hàhcujrohti ata kam ame ipa. Quĕ ha pea pjĕ kam me cupĕ pahhi catĕjĕ cunea hÿrmã me pra, me hakràj me, me hàmkrà catĕjĕ me.

25 Ne krĭ jŏ harkwa ata, quĕ ha hihĕ mĕnata na ihcuhĕ. Ampo na? He curi caxwa xà nare na, na quĕ ha nee jũ caxuw me to hihĕ nare.

²⁶ Quê ha krĩxàre jàmkrã cati catêjê me, me hakràj cati catêjê me, ihtỳj krĩ ata wỳr me hakràj itajê cunea to me ipa.

Nee curi mehkên ton catêjê cjêj xà hamreare

²⁷ Ne nee krĩ ata mã mehcunea incjêj xà nare. Ampo na? Por krĩ ata mã nee cute me amji kam hapac xà tũnti atajê incjêj xà nare. Ne hanea ne, por cute ame ampo ton xà kam me pahpahànti atajê incjêj xà nare. Ne hanea ne, nee mehhêj xi catêjê incjêj xà nare. Ne por Caràcahàcre Kra jŏ kàhhôc kam hacpỹa mã mehtĩr xà kam me haprỳ hikwa atajê ri ihtỳj mencjêj xà.

22

¹ Ne hanea ne cute imã mehtĩr rohnỳtti mã xà jŏ cô to ihkôm xà ata jahkre, wa ite hõmpun. Mã Pahpãm me, ihkra pê Caràcahàcre Kra ihkrĩxàa pĩn ajpjê, ne ampeaj kam ihprà jiwrỳ, pê ihhêj rũm kên prà jiwrỳhti ata, ne krĩ jŏ krĩ cape cajpuw ajpjê.

² Ne pĩxô pàr te cô jũjêata, quê ha jũm hô nõ krê, ne jũ caxuw ihtyc nare, na pê haprỳ pê Mehtĩr Rohnỳtti Mã Xà Jŏ Pĩxô Pàr. Ne ahpỹanre na putwrỳpyxit kam ajco hô xen xà to hô. Ne caku pyxit kam hô xen xà to hô to tôxi. Ne ihhô atajê pê hanea ne ihtỳj curi krĩxàre cahhêxà na impej, ne ihtỳj me cumã ampej.

Cu ha pahỳj Pahpãm kuc ri me hõmpu

³ Ne krĩ ata kam, por Pahpãm mã ampo kên kĩn nare atajê jamreare. Ne Pahpãm krĩ xà ata ri, krĩ ata kam ihcuhhê. Mã mehkwy cunea

pê cumã me hàpên catêjê atajê ihtỳj Pahpãmmã cute mehkĩnti na me amji jarẽ.

⁴ Ne ihtỳj me Pahpãm kuc pupu, ne cute me hõmpun catêjê atajê cunea kuctỳj kam haprỳ pit.

⁵ Ne hipêr curi caxwa xà nare, ne nee cute me amji kujro xà na ame ampojãhcujro xà na me prãm nare, ne nee ame pyt jãhcujro na me prãm nare. Ampo na? Me pajõ Pahhiti pê Pahpãm pê ri mehcujro xà, ne quê ha me tame to ihhimpej to mehkřĩ rohnỳtti mã.

Pom Jowãw te me cumã ihcakôc itajê ampeaj kam ri

⁶ Ne por Pahpãm mã imprar catê apu imã ampo to ipipê to harên to mõ ata te ri imã hũjarên to:

— Pom ite amã ampo cunea jarên itajê, atỳj kampa, nãmri ampeaj kam ri. Ampo na? Pahpãm pê me pajõ Pahhiti, pê ajco harkwa to mehcakôc catêjê mã Carõ Pejti kujate, ata te ri awỳr ikujahêc. Ite amã ampo te hajỳr xaitajê jarên, ne amã to ipipê, ca ate hõmpun prãmte ri, cute awỳr ikujahêc — hajỳr. Mã pea Jeju te amji jarên to:

⁷ — Pom ca Inxũ Cati jarkwa na ihkãhhôc kam me gapac pejti to me apa atajê, me gakrya ne. Ampo na? Wa ha amji jaxàr pyrentu — hajỳr.

⁸ Ipê Jowãw, ne wa ite ampo itajê cunea impar, ne ihcunea pupun. Ne ite hõmpun ita jirô pê, wa apu Pahpãm mã imprar catê ata to catia ne imã ihkĩnprãmte hỹrmã tẽ, ne pea cuna mã ikõn krã na ijỳr, mã cute imã harkwa to:

9 — Apu ito hajÿr nare. He wa nee girôa pê icati nare, nãmri ipê anôa wa, ne hanea ne ipê me akjêjêkwÿa nŏ wa, ne ipê, por wa me ihkàhhôc ita jarkwa kampa atajê nŏa wa. Ne quêt Pahpãm to ca me catia ne me amã ihkîn.

Cu ha pahte amji kam me pajapac xà pejti to me papa

10 — Nee ca apu ihkàhhôc ita te ampo jarĕn xà itajê to apimxur nare, ne atÿj mehcunea kam mare mã harĕn to apa. Nãmri, pom ampo te hajÿr xà ita, quê ha nee ahna ahtÿm ry nare, quê ha ihcunea cato.

11 Por mehkĕanre atajê, quê ha ihtÿj mehkĕn itajê kam me to incrà tu, ne por mehtÿmti atajê, quê ha ihtÿj mehtÿmti ita kam me toincrà tu. Ne mempejti atajê, quê ha ihtÿj mempej ita kam me to incrà. Ne por me Pahpãm cuna mã mempejti na me ipa atajê, quê ha ihtÿj Pahpãm cuna mã imejti ita kam me to incrà tu ne — hajÿr.

12 Ne ite hipêr Jeju kam ijapac, mã cute imã hÿjarĕn to:

— Wa ha amji jaxàr pyrentu! Ne ajpĕn me hàmcwÿr xà atajê to tĕ, ahpÿanre na cute me imã hàpĕn xà ton atajê jahpan xà na.

13 Ipê pjê kat jŏ Pahhiti, ne ipê hihôt jŏ Pahhiti. Ne ipê harê me, ihhô me, hô jŏ Pahhiti. Ne ipê ampo cunea kam to iprar catê, ne ampo cunea to hamrecatê.

14 — Ne por cute ame Caràcahàcre Kra caprô pê icaprô ata kam, cuteamji mã mehkà cahhôn catêjê, me hakrya to me hakry. Ampo na wa ha me cumã ijÿjarĕn to hane he: “Gapacta ne atÿj Mehtĭr Rohnytti Mã Xà Jŏ Pĭxô ita ku, neatÿj

hanea ne krĩ jŏ harkwa itajê na me acjêj xà” hane.

¹⁵ Ne por cute ame ampo kên kĩnti atajê ri, pŏ pê krĩ pu na ame ipa xà, quê nee jũm hàr nare, krĩ kam ame ipa atajê kĩnte. Ne me hũxy xicatêjê te hajÿar, ne cute me ampo kam me pahpahàmti ton catêjê me, cute mehcuran catêjê me, cute ame pahpãm cahàc krekà kĩn catêjê me, cute ameharkwa me, me hàpên xà to mehhej to me ipa catêjê atajê cunea, quê hanee krĩ ata mã jũm hàr nare, ne pŏ pê ame ipa.

¹⁶ — Ipê Jeju, wa ite imã imprar catê kujahêc me amã, cute me apê me ikwÿ mã ijarkwa na me amã ampo itajê cunea jarên xà na. Ne ipê pahhiTawi xwÿ tàmxwÿ nõa wa. Ne pom mehuncunea awcahti xà wÿr me caxêti prà tetetti pejti pupu ata jĩkjê na mã, mehuncunea me ipupu ne ipej na meijahkre pej — hajÿr.

¹⁷ Pahpãm Carŏ Pejti me Jeju me hĩxi pê krĩ impejti ata te hàkjêr to:

— Ajpên me acjêj — hajÿr. Ne por cute me ita par catêjê, quê ha mehkwy mã harkwa to:

— Hacme, ne me acjêj! — hane. Ne me anŏ mã kôr ata, ajpên mŏ ne cama cô ita kwÿ to ikŏ. Ne pom cô ita, quê ha jũm te to ihkŏm ataihtĩr rohnÿtti mã, ne nee jũ caxuw ihtyc nare.

Ihkàhhôc ita nee kam me to incri xà nare, ne nee kam me to cati xà nare

¹⁸ Ipê Jowãw, pa wa ha caxwãm catia mã ate Pahpãm jŏ kàhhôc ita kam me gapac catêjê mã ihcawpa. Nãmri quê ha ihkàhhôc ita kam harkwa itakaj na, hirôa pê jũm te ampoto ipicamên na, quê ha Pahpãm hanea ne ihtÿj

cumãihkàhhôc ita kam, cute ihkên na ihhóc atajê to cumã ajcamẽ.

¹⁹ Nãmri quê ha hanea ne jũm te Pahpãm jarkwa ita têtê, põ mã harkwa nõ to hũcapêr na, quê ha hanea ne Pahpãm ma apu cupê hõ pĩxô te me to ihtĩr rohnýtti mã xà ata intê, ne nee cumã ihnõ nare, ne hanea ne ma hõ krĩ impejti ata têtê apu curê. Hõ, por ramã ite ijõ kàhhôc kam ahna ihhóc atajê mã he.

²⁰ Ne por catyt kam Jeju te ampo itajê cunea jarên ata te ri amji jarên to:

— Ampeaj kam wa ha hacpỹ ne amji jaxàr ne itẽm pyrentu, he wa ha nee amji to ijàhtũm rynare, ne ajpên tẽ — hajỹr.

²¹ Ne imã me Pajõ Pahhiti pê Jeju te me acunea to impej na me ato prãm. Hamre. Àppendix

PAHPÃM JARKWA CUPAHTI JÕ KÀHHÔC
Canela: PAHPÃM JARKWA CUPAHTI JÕ KÀHHÔC
(Portions)

copyright © 2012 Wycliffe Bible Translators, Inc.

Language: (Canela)

Contributor: Wycliffe Bible Translators, Inc.

All rights reserved.

2020-11-16

PDF generated using Haiola and XeLaTeX on 1 Oct 2024 from source files
dated 29 Jan 2022

09d4e460-c38b-52b7-81c1-8300bfeb466a